



ჟოგელკვირული საპოლიტიკო, სამეცნიერო და სალიტ. გაზეთი № 10 27 ივლისი 1908 წ. ფასი 10 კ.

შინაარსი: რა არის ჩვენ შორის სადავო? (ნაციონალურ პროგრამის შესახებ). — ღია წერილი „ჩვენი კვალი“-ს რედაქციას, გრ. ურ.—სხვა და სხვა ამბები ჩვენსა და რუსეთში. — ოსმალეთი. — სპარსეთი. — ცოტა რამ ქართულ მხატვრულ ლიტერატურაზე, ლევ. მეტრეველის. — მეგობრებს (ლექსი), ცახელი. — დედები (მოთხრობა) ან. ერისთავ-ხოშტარიასი. — სოფელში (ლექ.). დარიასი. — პროვინცია. — ბურჟუაზიის ამბები, არნერის. — მუშათა შორის. — ხალხისადმი გულშემატკივრობა თუ კუჭის საკითხი, მ. — ბანცხადება.

დოქტორი ივ. გომართელი ჩამოვიდა ღ შეუდგა ჩვეულებრივად ავანტიურების მიღებას.

რა არის ჩვენ შორის სადავო?

(ნაციონალურ პროგრამის შესახებ).

აქვე ვებეჭადთ ამ. გრ. ურ.—ძის ღია წერილს, რომლითაც იგი ცდილობს ნათლად განსაზღვროს ჩვენ შორის არსებული უთანხმოება ნაციონალურ საკითხში. საჭიროთ მიგვაჩნია ამხანაგის წერილს წინ წაუშეშვაროთ ეს მცირეოდენი განმარტება.

თქმა არ უნდა, რომ მთელი ჩვენი უთანხმოება ერთიანად სძევს პრაქტიკულ სფერაში. თეორეტიულათ კი ჩვენ ყველანი ერთსა და იმავე ნიადაგზე ვდგევართ, ერთსა და იმავე მსოფლ-მხედველობას ვაღიარებთ. კერძოთ, რაც შეეხება ნაციის თეორიას, უნდა შევნიშნოთ, რომ ამ თეორიას რაც უნდა დიდი მნიშვნელობა ჰქონდეს ნაციონალურ პროგრამისათვის, მაინც აშკარაა—ყოველი უთანხმოება თუ აზრთა სხვა-და-სხვაობა ამ თეორიის მხრივ უექვევლათ არა ნიშნავს აზრთა სხვა-და-სხვაობას ნაციონალურ პროგრამის მხრივ. ასე მაგ. კაუცკი არ ეთანხმება ოტო ბაუერისაგან წამოყენებულ თეორიას

ნაციის შესახებ, მარა იგი სრულის თანაგრძნობით ეგებება მისგან (ოტო ბაუერისაგან) არჩეულ ნაციონალურ პროგრამას. იგივე კაუცკი, როგორც იცით, აღიარებს, რომ ნაციები აღრე თუ გვიან უნდა გაიღეს—ნენ ერთმანეთში და ბოლოს მთელმა კაცობრიობამ უნდა შეადგინოს ერთი ერთი ნაციაო; მაგრამ კაუცკი იმავე ნაწარმოებში, სადაც იგი ამ შეხედულებას გამოსთქვამს, სხვათა შორის სწერს, რომ ყოველი პოლიტიკა, რომელსაც კი მიზნათ ექნებოდა ამა თუ იმ ნაციის სიცოცხლის მოსწრაფება, რომ „ყოველი პოლიტიკა ნაციის საწინააღმდეგო პროლეტარიატის მხრივ იქნებოდა თვით-მცველობა“-ო (Нац. шаг. впр. გვ. 48). ნაციის ესა თუ ის მომავალი შედეგი უნდა იყოს ძალა დაუტანებელ, თავისუფალ განვითარებისა.

სოციალისტი არ შეიძლება არ იყოს მომხრე ნაციის დამოუკიდებლობის და თავისუფლებისა, რადგან სოციალიზმი აუცილებლათ იგულისხმებს ამ დამოუკიდებლობასა და თავისუფლებას. მაგრამ ერთია პრინციპების აღიარება და მეორეა ამ პრინციპების ცხოვრებაში გატარება.

დღეს ყოველგვარი ეროვნული მხაგვრელობა—ისე როგორც ადამიანისაგან ადამიანის მხაგვრელობაც—აუცილებლათ შეკავშირებულია კაპიტალიზმის არსებობას-

თან. ეს უკანასკნელი პირველის წარმომადგენელი უტყუარი მიზეზი. ამიტომაც ვიდრე არსებობს კაპიტალიზმი, ჩვენ არ შეგვიძლიან დაარსებულ და სრულიად უზრუნველყოფილი ვიყუთ ნაციების დამოუკიდებლობისა და თავისუფალ განვითარების მხრივ. დიახ, ჩვენ ყველანი თანახმანი ვართ, „რომ ნაციონალური კითხვის საბოლოო გადაწყვეტა, მისი სრულიად გაქრობა — დასამარება შეუძლია მხოლოდ სოციალიზმს“. ეს, რასაკვირველია, იმას არ ნიშნავს, ვითომ ჩვენ მთელი საკითხის გადაწყვეტას სოციალიზმის ეპოქას უტოვებდეთ. პირიქით, თვით სოციალიზმის განხორციელების ინტერესები გადაქრით გვიკარნახებენ, რომ ნაციონალურ საკითხს განსაზღვრული გადაწყვეტა მიეცეთ თვით კაპიტალისტურ პირობებშივე. ჩვენ ყველანი თანახმანი ვართ, რომ საქიროა დღესვე მიღებულ იქმნას პრაქტიკული ზომები ერის თვით-არსებობის დასაცავათ, ერის თავისუფალ განვითარების სასარგებლოთ.

მაგრამ ერთია რომელიმე დებულების განცხადება და მეორე ამ დებულების ცხოვრებაში გატარება.

ამხ. გრ. ურ. აცხადებს, რომ იგინი, ე. ი. ყველა „ცენტრალისტი“ ამხანაგები პრინციპიალურათ მომხრე არიან ერების დამოუკიდებლობისა, მომხრე არიან ავტონომიისა, და იქვე დასძენს: „მაგრამ ეს ზოგადი საღი შეხედულება, ადგილის და დროის მიხედვით, ხშირათ შეუწყნარებელი ხდება“. რადგან ამ „ზოგადი შეხედულების განხორციელება შეიძლება ზოგჯერ ეწინააღმდეგებოდეს ზეზს უშლიდეს პროლეტარიტის სოლიდარობას, მის კლასობრივ თვით-შეგნება თვით-ცნობიერებასო“ ეს ვიცოდით, რომ აგრე იყო და ამიტომაც ვწერდით ე-თხელ პრესის მიმოხილვაში: „ჩვენში მართლაც არიან ს.-დემოკრატები, რომლებიც ფიქრობენ, ვითომ რუსეთის „მთლიანობა“, ე. ი. განაპირა ქვეყნების ავტონომიის უარყოფა ხელს უწყობდეს მუშათა სოლიდარობას. მაგრამ არიან სხვები, რომლებიც ენერგიულათ უარყოფენ ასეთ შეხედულებას“.

„ეს „სხვები“, ცხადია თქვენა ხართ“, — გვეკითხება ამხ. გრ. ურ. — დიახ, ეს „სხვები“ ჩვენა ვართ, ხოლო „მთლიანობის“ დამცველნი თქვენა ხართ, „ცენტრალისტები“. და მერე — კითხულობს იგივე ამხანაგი — „განა ჩვენ წინააღმდეგი ვართ პოლშის, ფინლიანდიის ავტონომიის?“. რასაკვირველია, ჩვენ აზრათ არ მოგვსლია ასეთი ბრალი დაგვედვა თქვენთვის — მიუხედავათ იმისა, რომ არიან ზოგიერთი ნაკლებათ შეგნებული ს.-დემოკრატები, რომელნიც თვით ფინლიანდიისა და პოლონეთის ავტონომიის იღებენ, როგორც ერთგვარ „მწუხარე აუცილებლობას“. ამათი აზრით, რომ შესაძლებელი იქნებოდეს და მთელ იმპერიაში, ან მთელ ქვეყნიერებაზეც ამოვარდებოდეს ყოველივე პოლიტიკური მიჯნები (ასეთი მიჯნაა ავტონომია) ნაციათა შორის, ყველანი და ყველაფერი ერთნაირათ დაექვემდებარებოდეს ერთ ცენტრალურ პარლამენტს, აი სწორეთ მაშინ განმტკიცდებოდა უმაღლეს წერტილამდე ყველა ნაციების მუშათა კლასის სოლიდარობა.

სის სოლიდარობა. ნამდვილათ კი — ვინ არ იცის, რომ აღნიშნულ ფანტასტიურ მდგომარეობის განხორციელება დამლუპველი იქნებოდა ყველა ნაციათა მუშა ხალხის საქმისა, რადგან დასახელებული ცენტრალიზაცია უარყოფა იმ დემოკრატიზმისა, რომელიც მიუცილებელი გზა და ხილია სოციალიზმისაკენ.

მაგრამ, ვიმეორებთ, ესეთი, მეტი რომ არა ვსთქვათ, უცნაური შეხედულება მხოლოდ ზოგიერთებს ეკუთვნის და ზოგიერთებისათვის კი მთელ პარტიას, ცხადია, ვერ გაეხდით პასუხისმგებლათ. ამხანაგ „ცენტრალისტებს“ ჩვენ იმასაც კი არა ვდებთ ბრალათ, რომ ისინი ზოგიერთ შემთხვევაში წინააღმდეგი არიან ავტონომიისა. ამიტომ ამხ. გრ. ურ. ამათ იმოწმებს მარქსსა და ენგელსს. აქვე შევნიშნათ, რომ მარქსი „მუდამ“ კი არ იყო სლავიანთა მცირე ნაციების მისწრაფებათა წინააღმდეგი, არამედ მხოლოდ გასულ საუკუნის შუა ხანებში. ისიც, იგი უარყოფდა და აღშფოთებით იხსენიებდა ამ ნაციათა მხოლოდ რეაქციონურ მისწრაფებათ. მართალია მარქსი უნდობლათ უყურებდა — და მას არც კი სწამდა თვით ამ ავტორიელ სლავიანთა პატარა ერების ნაციონალურ არსებობის შესაძლებლობა; მარა მაშინ გარემოება იყო ისეთი, რომ თვით გენიოსი აღამიანი შეცდომაში უნდა ჩავარდნილიყო (ამბობენ მხოლოდ რომის პაპია შეუმცდარიო) და „ყველაფერი, რასაც იგი (მარქსი) ამაზე მაშინ (1848 და 1849 წ.წ.) სწავლდა, ეხლა მოკლებულია საფუძველს და უკვე ჩაბარდა ისტორიას“ (კაუტსკი). მაგრამ, ვიმეორებთ, მარქსის დამოწმება აქ ზედ-მეტია, რადგან ზოგიერთ შემთხვევაში შეიძლება ჩვენ თვითონ ვიყუთ ავტონომიის წინააღმდეგი. ავტონომია არ არის ეროვნულ საკითხის პანაცეა, ყოველგან და ყოველთვის უებარი მალაპო. ზოგიერთ შემთხვევაში, შეიძლება საუკეთესო იყოს სრული განცალკევება და სრულიად დამოუკიდებელ ანუ ნეიტრალურ ნაციონალურ სახელმწიფოს შექმნა. ყველაფერი ეს, რა თქმა უნდა, დამოკიდებულია დროსა და ადგილის პირობებზე. ამხანაგ „ცენტრალისტებს“ ჩვენ სწორეთ იმას ვდებთ ბრალათ, რომ იგინი ავტონომიის უარპყოფენ ძალიან კონკრეტულ შემთხვევაში; იგინი დღეს, ჩვენი ქვეყნისთვის უარპყოფენ ავტონომიისა და ამის ნაცვლათ აყენებენ „კავკასიის საოლქო თვითმართველობას“. აი აქ არის ჩვენი სადაო და საკამათო საგანი.

ის დადგენილება, რომელიც ამ „საოლქო თვითმართველობას“ შეიცავს, მთელ ნაციონალურ პროგრამას ახურდავებს ორიოდ ფრაზაზე, როგორიც არის ადგილობრივ ენების ხმარება ადგილობრივ დაწესებულებებში და უფლება სამშობლო ენაზე განათლების მიღებისა. ჩვენის ღრმა რწმენით „ამიერ კავკასიის საოლქო თვითმართველობა“ არავითარ ნაციონალურ საკითხის არავითარ გადაქრას არ წარმოადგენს. პირიქით, იგი საქმეს კიდევ უფრო ართულებს და აუარესებს. ეს დადგენილება ნაციონალურ საკითხის გადაფუჭება და მხარის აქცევაა.

მარქსისტი უწინარეს ყოვლისა მოქმედების ადამიანი და არა პრინციპების კიდობანი. ვისაც უნდა ნაციონალურ საკითხში დაუხმოდეს მარქსსა და დაშორდეს ოპორტიუნიზმებს, „უგოდოცებს“ და საერთო ბურჟუაზიის იდეოლოგიებს, მან კარგათ უნდა შეიგნოს და გაითვალისწინოს საერთაშორისო პროლეტარიატის განმათავისუფლებელი ბრძოლის ინტერესები, ამ ინტერესების თვალთა ხედვის წერტილიდან უნდა შეიგნოს სათანადო ნაციონალური პროგრამა და ამ პროგრამის თანახმად იმოქმედოს.

ნაცვლათ „საოლქო თვითმართველობისა“, რომელიც იგულისხმებს მხოლოდ ფართე ადმინისტრაციულ თვითმართველობას, ჩვენ ვთხოვლობთ ავტონომიის რომელიც იგულისხმებს განსაზღვრულ პოლიტიკურ თვითმართველობას. დიახ, ჩვენ ვაღიარებთ „კავკასიის ავტონომიის საჭიროებას“. აქვე უნდა შევნიშნოთ, რომ სიტყვა „კავკასია“ არ არის სისწორით განსაზღვრული ტერიტორიის მაჩვენებელი; ამასთანავე, დღეს-დღეობით, შეუძლებელია ითქვას, თუ კავკასიის ტერიტორიის რამოდენა ნაწილს შემოევლება ავტონომიური სარტყელი. ცხადია, რომ პირველ ხანებში ეს იქნება ამიერ-კავკასია. შესაძლებელია, რასაკვირველია, რომ შემდეგში ამ ავტონომიურ მმართველობაში შემოვიდნენ სხვა ნაწილებიც, მაგ. დაღესტნის მეორე ნაწილი და თერგის ოლქი. ხოლო ავტონომიურ მოძრაობაში მესვეურის როლი კი, ცხადია, ნაკისრები ექნება საქართველოს.

საკითხი კავკასიისა თუ ამიერ-კავკასიის რუსეთის სახელმწიფოსთან დამოკიდებულების შესახებ არის მხოლოდ ერთი პუნქტი ჩვენ შორის არსებულ დავა-უთანხმოებისა. ჩვენ ვფიქრობთ, რომ ამ პუნქტში ეხლა შედარებით მალე და ადვილათ შევთანხმდებით. ამის საბუთს, სხვათა შორის, გვაძლევს გზ. „ცხოვრების სარკეში“ (№ 10) დაბეჭდილი მეთაური წერილი (ამ წლის 3 მაისის თარიღით). ამ წერილს ამხ. „ცენტრალისტები“-ს მხრიდან არავითარი პროტესტი, ან წინააღმდეგობა არ გამოუწვევია, და ეს მიუხედავად იმისა, რომ ამ წერილში უკვე გადაჭრით გადალახულია ადმინისტრაციულ თვითმართველობის საზღვრები და თვალსაჩინო ნაბიჯია გადადგმული ავტონომიისაკენ; ამიერ-კავკასიის სეიმს მინიჭებული აქვს—მართალია, გაუბედავად და მოკრძალებით, მარა მაინც მინიჭებული აქვს—საკანონმდებლო ფუნქციები, რითაც სეიმმა ჰკარგავს მუნიციპალურ ხასიათს და ემსგავსება ადგილობრივ პარლამენტს. ასე რომ, მალე ჩვენ შორის საკამათო დარჩება მხოლოდ ავტონომიის კომპეტენცია. აქაც რომ არ დაიგვიანებს შეთანხმება, ამას გვაფიქრებინებს იგივე წერილი, რომელიც ჩვენ ასეთ აზრს გვაძლევს: „შეიძლება ეს კომპეტენცია დროთა განმავლობაში გაფართოვდეს, ეს დამოკიდებული იქნება ამიერ-კავკასიის ჩამორჩენილ ერთა კულტურულათ ამაღლებაზე“...

მეორე მთავარი პუნქტი ჩვენი დავა-უთანხმოებისა არის საკითხი იმის შესახებ, თუ როგორი ურთიერთობა

—დამოკიდებულება უნდა იქმნას დაწესებული კავკასიაში მცხოვრებ ნაციონალურ შორის. ამხ. „ცენტრალისტები“ უარყოფენ ამით ნაციონალურ-კულტურულ ავტონომიას და კმაყოფილებიან ამ ნაციების საერთო თვითმართველობით. ჩვენ კი ამას ენერგიულად ვეწინააღმდეგებით და ვითხოვთ, რომ აქ მცხოვრები თვითმართული ნაცია — თანახმად თავის სურვილისა, რასაკვირველია — საკუთრივ თვითონვე ჰმართავდეს და განაგებდეს ყველა თავის ნაციონალურ-კულტურულ საქმეებს. აქედან თავის თავთ გამომდინარეობს ასეთი დასკვნა: ნაცია, რომელსაც არ მოეზოვება ერთიანი ტერიტორია, არამედ გაფანტულია მთელ ამ მხარეში, (მაგ. სომხობა) იგი ტერიტორიის მიუხედავად შეადგენს ერთ ნაციონალურ ერთეულს, რომლის ყველა ნაციონალურ-კულტურულ საქმეების შესახებ კანონმდებელია მისი საკუთარი ნაციონალური საბჭო; ხოლო ის ნაცია, რომელსაც ხსენებული ტერიტორია მოეზოვება (მაგ. ქართველობა), შეადგენს ცალკე თვითმმართველ კანტონს, ერთ ნაციონალურ-ტერიტორიალურ ერთეულს.

ამ რიგით, ამიერ-კავკასია უნდა იყოს ავტონომიური ნაწილი რუსეთის სახელმწიფოს და აქ, ამ ავტონომიურ ნაწილში, ბინადარი ნაციები საკუთრივ თვითვე უნდა იყვნენ თავის ნაციონალურ-კულტურულ საქმეების ბატონ-პატრონი. ასეთია მოკლეთ სქემა ჩვენი ნაციონალურ პროგრამისა.

დასასრულ, ერთი შენიშვნა.

ამხ. გრ. ურ. თავის ღია წერილს იწყებს იმით, რომ აღნიშნავს: „ამ გარემოებამ—ე. ი. „ჩვენი კვალის“ გამოხატვამ—ჩვენი ფედერალისტები მეტად გაახარა. ისინი გატაცებით გაიძახიან: „ჩვენმა კრიტიკამ ნაყოფი გამოიღო, ურწმუნო თომანი დააჯერა, ს.-დემოკრატების ჯაფშნიანი ზომადი შევამტერიეთ და სხ.“ ამხანაგი დასძენს, რომ იგი ამას არ აძლევს მნიშვნელობას, რომ მან ეს გაიხსენა „ისე, სხვათა შორის“; მაგრამ, ნამდვილათ კი, სოც.-ფედერალისტების დაღმინებასა თუ მოწყენილობას დიდ მნიშვნელობას აწერენ ზოგიერთი ამხანაგები. სოც.-ფედერალისტებისაგან და სხვა ნაციონალისტებისაგან ამ ორგანოს პირმკინარეთ შეხვედრა, სამწუხაროთ, ბევრი ამხანაგისათვის სასკანდალო აღმოჩნდა. ამ ამხანაგებს ავიწყლებათ, რომ ნაციონალისტებისაგან მოძღვნილი „კოალიმენტები“ ნამდვილათ მოშხამული ისრებია, ჩვენსკენ ნატყორცნი... რა თქმა უნდა, ყოველი ბანაკი ცდილობს მოწინააღმდეგეთა პარტიაში გაჭენილი უთანხმოება თავის სასარგებლოდ გამოიყენოს. ეს აუცილებელი მავნე მხარეა ყოველივე უთანხმოების. მაგრამ ეს გარემოება კიდევ საბუთს არ გვაძლევს უთანხმოებას გზა გადულობით და ხელოვნურათ, შინაურის, ოჯახურის წესით ჩავაღრჩოთ. უთანხმოება აუცილებელი შედეგი და პირობაა ზრდა-განვითარებისა და წინ მსვლელობისა, და რომ უთანხმოებამ დაკარგოს ზემო აღნიშნული ცუდი მხარე, საჭიროა მას ფართე გზა მიეცეს ბუნებრივი მსვლელობისათვის.

მართალია სოც. ფედერალისტები ბევრს ლაპარაკობენ

კობენ თავიანთ „საგმირო საქმეებზე“ „ჯავშნიან ხომალ-
დისათვის“, მაგრამ საქმის გაგების მსურველი ყურს არ
დაუგდებს ასეთ ზერელე ტრახახს და ეცდება სხვაფრივ
შეიტყოს ნამდვილი ვითარება. ყველამ, ვინც კი საქმეში
ჩახედულია, იცის რომ ქართველი სოციალ-დემოკრატია
ავტონომიის შესახებ ბჭობდა ჯერ კიდევ იმ დროს, რო-
ცა სოც. ფედერალისტები სულაც არ იყვნენ გამოჩეილ-
ნი. სოც.-ფედერალისტებს მხოლოდ ერთი მნიშვნელობა
ჰქონდათ ჩვენთვის: იმათ ხელი შეგვიშალეს და დაგვი-
ანეს ჩვენი საქმე. დიახ, თუ ჩვენი ქვეყნის სოციალ-დე-
მოკრატია დაღვანდლამდე არ მიუღია სათანადო ნაცი-
ონალური პროგრამა, ამის მთავარი მიზეზია სოც.-ფე-
დერალისტების პოლემიკა ნაციონალურ საკითხზე. ჩვენი
ამხანაგები უმეტეს ნაწილათ და უმთავრესათ სწერდნენ
მოწინააღმდეგეთა მოსაგერებლათ, სოც.-ფედერალისტე-
ბის დასამარცხებლათ და არა თვით საკითხის გამოსარკ-
ვევით. და ასე ნაციონალურ პროგრამის შემუშავება
ხდებოდა „პარტიული ბრძოლის“ სათაურით. მთელი
საქმე განუწყვეტილად განიცდიდა პარტიულ ბრძოლის
ვნებათა-ღელვის ქარტეხილს. . .

მკითხველმა კარგათ უნდა გაიგოს ჩვენი აზრი.
პარტიული ბრძოლა, რა თქმა უნდა, აქაც, როგორც
სხვაგან, აუცილებელია და საჭიროა; ვნებათა ღელვა
ზუნებრივია იქ, საითაც თათბირია ქვეყნის სამკვდრო-
სასიცოცხლო საკითხებზე, მაგრამ პარტიულმა ბრძოლამ
არ უნდა გაამრუდოს სიმაღლის სასწორი და ვნებათა
ღელვამ არ უნდა დაჩრდილოს ქვეყნარსება.

ლია წიხილი „ჩვენი კვალის“ რედაქციას

პატივცემულო ამხანაგებო!

რამდენათაც ვიცით „ჩვენი კვალი“ არის ორგანო ჩვენი ამ-
ხანაგების იმ ერთი ჯგუფისა, რომლებიც განსხვავდებიან პარტიის
ოფიციალურ შეხედულებიდან ავტონომიის საკითხში.

ამ გარემოებამ ჩვენი ფედერალისტები მეტად გაახარა: ისინი
ბატაკებით მაიძახიან: ჩვენმა კრიტიკამ ნაყოფი გამოიღო, ურწ-
მუნო თომანი, დაჯერა ს.-დემოკრატების ჯავშნიანი ხომალდი
შევაბერეთ, ის წაფენდა და, სადაც არის, სრულიად ჩაიძირება
და ზღვის უფსკრული შთანთქავს და სხვა. . .

მარა ეს ისე, სხვათა შორის, თორემ ამას არსებითათ საკითხ-
თან კავშირი არა აქვს და ჩვენც არ ვაძლევთ, რასაკვირელია, მნი-
შვნელობას. „ვისაც რა უნდა ისა სთქვას, მხოლოდ წისკვილმა კი
ფქვას“, — იტყვიან.

ჩვენს მოსაზრებას, რომ ეს ორგანო ნაციონალურ საკითხში
საერთო პარტიის შეხედულების წინააღმდეგია, ამას ამტკიცებს
„ჩვენი კვალის“ მეორე ნომერიც, სადაც არ. ჯ.—შვილის საპასუ-
ხოთ შეწმდეს ვკითხულობთ: „მართალია მხოლოდ ის, რომ ჩვენში
მართლაც არიან ს.-დემოკრატები, რომლებიც ფიქრობენ, ვითომც
რუსეთის „მოღიანობა“ ე. ი. განაპირა ქვეყნების ავტონომიის
უარყოფა ხელს წყობდეს მუშათა სოლიდარობას! *) მაგ-
რამ არიან სხვები, რომლებიც ენერგიულად უარს ყოფენ ასეთ შეხე-
დულებას.“

ეს „სხვები“ კი ცხადია, თქვენა ხართ.

*) კურსივი ჩვენია.

კეთილი და პატიოსანი. მარა ჯერ ერთი, რომ შემდარია ის აზრი,
ვითომ ჩვენში იყვნენ ისეთი ს.-დემოკრატები, რომლებიც ვითომც
უარს ყოფდნენ განაპირა ქვეყნების ავტონომიას. ეს რომ ასე არ
არის, ეს თქვენიც კარგათ იცით. განა ჩვენ წინააღმდეგი ვართ პოლ-
შის, ფინლიანდიის ავტონომიის? ესენიც ხომ განაპირა ქვეყნებია?
ასეთ ყალბ შეხედულებას ჩვენ „ისარ-ამირანელნი“ გვაწერენ,
მხოლოდ დემაგოგიური მიზნით და რათ დაგვირდოთ თქვენ—ბ-
ლიან გვიკვირს.

ჩვენ ყოველთვის მომხრე ვართ ერის დამოუკიდებლობის
პრინციპილურათ. კაუკკი ამბობს: პროლეტარიატი ისე დაინ-
ტერესებულია თავის ერის დამოუკიდებლობაში, როგორც საყო-
ველთაო საარჩევნო უფლებაში, სიტყვის, ბეჭდვის და კრების თავი-
სუფლებაში. პროლეტარიატის ინტერნაციონალობა სხვა ერების
დაჩაგრვას კი არ ნიშნავს, არამედ მათ თანასწორობას და სრულ
უფლებიანობას. **)

ამ დებულების წინააღმდეგი ჩვენ არას დროს არ ვყოფილ-
ვართ და საცხებით ვღებულობთ. მაშასადამე „ვითომც ჩვენ განა-
პირა ქვეყნების დამოუკიდებლობის წინააღმდეგი ვიყავთ“, ვიმეორებ,
არ არის მართალი.

ეს ერთი. შემდეგ, ჩვენ თანახმანი ვართ აგრეთვე იმაში, რომ
ნაციონალური კითხვის საბოლოო გადაწყვეტა, მისი სრულიად
გაქრება-დასამარება შეუძლია მხოლოდ — სოციალიზმს, სანამ კლას-
ობრივი ინტერესები და მისგან გამოწვეული კლასთა ბრძოლა არ-
სებობს, მანამდის ერთა შორის ომი, დავა და შუღლი მუდამ იქ-
ნება. მოისპობა პირველი, მოისპობა მეორეც, რადმან პირველი
მიზეზი, ხოლო მეორე შედეგი. ეს იმდენათ ანბანური ქვეყნარ-
ტებაა რომ, ლაპარაკის გაგრძელება მეტათ მიმაჩნია.

ერთი სიტყვით ამ ორ საკითხში 1) ნაციონალური კითხვის
საბოლოო გადაჭრა რომ სოციალიზმის საქმეა და 2) ერების
დამოუკიდებლობის რომ ჩვენც პრინციპილური მომხრე ვართ—ეს
ჩვენ შორის სადაო და საკამათო არ არის.

მაგრამ ეს ზოგადი სალი შეხედულება ადგილის და დროს
მიხედვით, ხშირათ შეუწყნარებელი ხდება. და აი ჩვენც ეს ზომა-
დი შეხედულება შეუწყნარებლათ მიგზავნია კავკასიისათვის. ჩვენი
განსხვავება აქ იწყება და სადაოც ეს კითხვა ხდება. თქვენ აღი-
არებთ კავკასიისთვის ავტონომიის საჭიროებას, ჩვენ კი წინააღ-
მდეგი ვართ. მაგრამ არ მგონია, რომ ამით ჩვენ მარქსს დავშო-
რებოდეთ და მისი მოძღვრება ვერ გაბვევოს.

მე მოგაგონებთ, რომ თვით მარქსი და ენგელსი მედრათ
იცავდნენ იტალიელების, ვენგრელების, პოლოაკების და ნემცების
ნაციონალურ მისწრაფებას. ნემცების ნაციონალურ მისწრაფებათა
დაცვაში ისინი ისე შორს წავიდნენ, რომ 1870 წ. საფრანგეთის
რესპუბლიკის მხარეზე რომ არ გადასულიყვნენ, ნამდვილი ნემცე-
ბის პატრიოტები გეგონებოდნენ. მიუხედავათ ამისა ცნობილია,
რომ მარქსი და ენგელსი მუდამ არამც თუ უნდობლათ უარყო-
ფით უყურებდნენ სლოვანების მკირე ნაციის დამოუკიდებლობი-
სადმი მისწრაფებას ავსტრიაში და სათათრეთში.

აქედგან ცხადია, თუ რამდენათ შემცდარია ისინი, ვინც ამ-
ბობს, რადგან თქვენ (ე. ი. ჩვენ) კავკასიისათვის ავტონომიას
უარსა ყოფთ, მარქსს დაშორდით და მისი არაფერი გაბვევათ.

ამ გვარათ, როგორც ზევით ვსთქვი, ჩვენ შორის სადაო
საკითხია: ავტონომია კავკასიისათვის. კითხვაც სწორეთ ასე
უნდა დასვას. კითხვის სისწორით გარკვევა-გადაჭრა დამოკიდ-
ებულია მის (ე. ი. კითხვის) სისწორით დასმაზე. ჩვენი წერილის
მიზანიც სწორეთ ამაში გამოიხატება. ჩვენ გვინტერესებს იმ აზ-
რის გარკვევა, თუ რამდენათ კავკასიის ავტონომია ეთანხმება პრო-
ლეტარიატის ინტერესებს და ხელს უწყობს მის კლასობრივ
თვით-შეგნება, თვით-ცნობიერებას. მეორე, რამდენათ ეთან-
მება ამ საკითხში ჩვენ მიერ დატყობილი პოზიცია მარქსისტულ

**) Нац. борьба въ Австрии.

დებულება-შეხვედრებას. დარღვევა უკანასკნელის და დასაბუთება პირველის—აი მთელი ინტერესი კითხვის, რომელზედაც წერა და კამათი ფრიად საყურადღებო და საინტერესოა ჩვენთვის...

გრ. ურ.

სხვა-სხვა ამბები

ჩვენში.

— საჩხერეში დაპატიმრებული, ექიმი ივ. გომართელი, ქუთაისის გენ.-გუბ. განკარგულებით, 22 ივლისს განათავისუფლეს.

— როგორც სატახტო გაზეთები გადმოგვცემენ, კავკასიაში აპრობენ ნაშესტიკობის გაუქმებას; მთავარ-მართებლათ მალე დანიშნავენ ბალტიის შხრის გენ.-გუბ. მელერ-ზაკომელსკის.

— ჩხერე-დაპატიმრება თბილისში გრძელდება. აპატიმრებენ მომეტებულ ნაწილათ ტრამვაიზე მომუშავეთ.

— წარსულ ოთხშაბათს წ. კ. გ. ს. გამგეობის თაოსნობით ქვაშვეთის ეკლესიაში გადახდილ იქნა ოც და ხუთი წლის თავის პანაშვიდი განსვენებულ მოღვაწის და მწერლის სერგეი მესხის სულის მოსახსენებლათ.

— წ. კ. ს. გამგეობამ ილიას ფონდის გასაძლიერებლათ მიიღო სოხუმიდან 1000 მან. სულ ილიას ფონდში ითვლება 12000 მან.

— „გოლ. კავკ.“ მოთავსებული ცნობა ჯარის კაცთა განგებ მოწამელის შესახებ ერთ-ერთ თბ. საპატიმროში, რომელსაც ის სააგიტაციო მასალათ ხმარობდა, ტყუილი გამოდგა. ნამდვილათ ამბავი ასე ყოფილა: საპატიმროს დამცველ ჯარის კაცთ უსადილიათ სამ საათზე და საღამოს 5 საათ. ჩაი დაუღვიათ, რის შემდეგ ცუდთ უფერძნათ თავი. მერე შესულან საპატიმროს ენახში და იქ შაბიამანით შესხურებული შემოუსვლელი ყურძენი და მსხალი უქამათ. ამის შემდეგ უფრო ცუდთ გახდარან. ექიმის შემოწმებით იმ ქურქელს, საიდანაც ეძლეოდა ჯარის კაცთ საქმელი, ჩამოსცლია კალა და სპილენძი გამოსჩენია; აი სწორეთ ეს და შაბიამანი ყოფილა ჯარის კაცთა მოწამელის მიზეზი. მათ მალე დახმარება აღმოუჩინეს. ეხლა ყველანი კარგათ არიან.

— ამ ცოტა ხანში დაარსებულმა საზოგადოებამ „განათლებლამ“ სამოსწავლო ოლქის მზრუნველის წინაშე აღძრა შუამდგომლობა, რათა მას ნება მიეცეს დააარსოს თბილისში ერთი ორკლასიანი და მეორე ერთ-კლასიანი სასწავლებელი.

— ბათუმში გენ.-გუბ. განკარგულებით გაზ. „ბატუმსკი გოლოსი“ დააჯარიმეს 300 მან.

— თბილისში ჩამოვიდა ბელგიელ კაპიტალისტთა წარმომადგენელი ბ. ნი. ლეგო, რომელსაც სურს ნება-რთვა აიღოს თბილისიდან კავკასიამდე კავკასიონის მთების უღელტეხილზე რკინის გზის გაყვანაზე.

— რამდენიმე დღის წინათ სპარსეთის შაჰის ბიძა-შვილმა, ამირ აზამ, რომელიც საზღვარ გარეთ მიემგზავრებოდა, სადგურ ბალაჯარასთან თავის კუპედან და კარგა ჩემოდანი, რომელშიაც ინახებოდა 1500 მან. ნაღდი ფული და 8500 მან. ღირებული აღმანები, იაგუნდები, ორდენები და სხვა ძვირფასი ნივთები. შეატ-

ყობინა რა ნივთების დაკარგვაზე სად. პოლიციას, პრინცი წაიღა ბაქოში. მალე სადგურში მყოფ ქანდაკებმა აღმოაჩინეს დამნაშავეები. ისინი აღმოჩნდნენ ძმ. ალიე-ვები (მოვაქრებია) და საჩაიეს პატრონი სეიდი. დაიჭირეს მათთან 13 წლ. ბიჭი, რომელზედაც აგრეთვე ეჭვი აქვთ. იპოვეს ჯერ-ჯერობით: ორი ოქროს და ორი ვერცხლის ვარსკვლავები სპარსულ ორდენ ლომისა და შხისა, რამდენიმე ოქროს და ბროზის მედალი, ოქროს სამელნე, 67 ც. იაგუნდი და 300 მან. ფული. („ზაკ.“)

— მცხეთის ღვთისმშობლის ეკლესიიდან უცნობებს მოუპარათ 9 ძვირფასი ქვა.

— განმათავისუფლებელ მოძრაობის დროს, გურიაში დაპატიმრებული მამასახლისები ადმინისტრაციას გაუნთავისუფლებია.

— როგორც „ხომოს“ ატყობინებენ, 7 მაისს ქ. სოხუმიში ნებადაურთველ კრებაზე დაპატიმრებულნი ანტიპა მგელაძის, რაჟდენ კილურაძისა და ილ. მგელიძის საქმე გადაუციათ კავკასიის სამხედრო საოლქო სასამართლო-სათვის. საქმე უნდა გაიჩქეს სასჯელთა დებულების 102 სტ. ძალით.

— თბ. გენ. გუბ. განკარგულებით დაიკეტა სომხური ყოველ-კვირეული ჟურნალი „ერკი ძიკი“.

რუსეთში.

— სიკვდილით დასაჯეს: ოდესაში—სამი, მოსკოვში—ორი.

— სიკვდილით დასჯა გადაუწყვიტეს: პროსკუროვოში—ორს, ვარშავაში—სამს, ლიბავაში—ერთს, კიევში—ერთს, სუმაში—ორს, ხარკოვში—ოთხს, ოდესაში—სამს, პეტერბურგში—ოთხს, სარატოვში—შვიდს, სარატოვში—ერთს („რეჩი“).

— დააჯარიმეს გაზეთები: „კიევსკია ვესტი“ 500 მ., „ხერსონსკი ვესტნიკი“—500 მან. (მოთავსებული იყო ტოლსტოის წერილი „არ შემოძლიან გაჩუმება“); რადგანაც ფული ვერ გადახადეს, გაზეთი დაკეტილ იქნა. „ოდესსკოე ობოზრენიე“—1000 მან. (ტოლსტოის წერილის გამო), ლატიშის სატარიული კრებულის გამომცემელი დააჯარიმეს 500 მან.

— სევასტოპოლში დაპატიმრეს „იუენი ვესტნიკის“ რედაქტორი, რადგანაც თავის გაზეთში მოათავსა ტოლსტოის წერილი „არ შემოძლიან გაჩუმდე“. სტამბა, რომელშიაც იბეჭდებოდა გაზეთი, დაკეტილ იქნა.

— პირველ იანვრიდან ივნისის გასულამდე მთავრობას დაუჯარიმებია სხვა და სხვა ჟალაქებში დაახლოვებით 78 დრო გამოშვებით გამოცემანი 39,950 მან.

— ვოლმარის ციხიდან გაიქცა ოთხი თვალსაჩინო პოლიტიკური ტუსადი.

— კინეშში აღმოაჩინეს ს.-დ. სტამბა; დაიჭირეს 21 კაცი.

— გადაიწო 3/4 ქალ. ტელშისა. 5 ათასი მცხოვრები უსახლკაროთაა დატოვებული. დაზარალებულთა უმეტესობა ებრაელებია. ქრისტიანებიდან დაზარალდა სულ 15 ოჯახი. ხმები დადის, რომ ცეცხლი განგებაა

წაიდებული. ექვით შეიპყრეს სამი კაცი. მრავალ მცხოვრების ქონება დაიტაცეს. ზარალი 2 მილ. მანეთს აღმატება.

— ოდესის მოკავშირეებმა გაუგზავნეს თეირანში ლიხაოვს ქებათა-ქება იმის შესახებ, რომის ენერგიულად გაუმკლავდა სპარსეთის მეამბოხე პარლამენტს და უცხო ქვეყანას უჩვენა სახელოვან რუს ყაზახების ძალა და მამაცობა.

— რუსის ხალხის კავშირის წევრი იუზეფევიჩი კიევში ახდენს კრებებს იმის გამოსარკვევად, თუ რა ზომები უნდა მიიღონ სამხრეთ-დასავლეთ მხარეში ტოლსტოის იუბილეის გამართვის წინააღმდეგ.

— სახელმწიფო ღუმის წევრები ჩილიკინი და მანკოვი ატყობინებენ ვაზ. „რეჩს“ დეპეშით ბლაგოვეშჩენსკიდან, რომ მათ თავის თვალთ უნახავთ, თუ როგორა სცემენ რუსი მუშები იმ ჩინელებს, რომელნიც მიემგზავრებიან ამურის გზაზე სამუშაოდ. ჩასივოსში ინჟინერ ზეისტან მუშაობს მრავალი ჩინელი, რომელნიც ხელფასის დაწევით აღელვებენ იწვევენ თავის წინააღმდეგ. რამდენიმე მკვლელობაც კი მომხდარა ამ ნიადაგზე.

— ამ ცოტა ხანში გამოვიდა სატუსალოთა მთავარ გამგეობის 1906 წლის ანგარიში, რომელშიაც მოთავსებულია საინტერესო ცნობები პატიმართა შესახებ. აღნიშნულ წელს საპატიმროებიდან გაქცეულა 3,231 კაცი. აქედან საპატიმროთა შენობებიდან გაქცეულა 1,899, საპატიმროთა ეზოებიდან—347, საგათმეოდოებიდან 207, მუშაობის და გარეთ ყოფნის დროს—778 კაცი, გაქცევის დროს დარაჯთა წინააღმდეგ აღგლი ჰქონია ძალმომრეობას 246 შემთხვევაში; აფეთქებას, თხრილებს და კედლების ჩანგრევას—480 შემთხვევაში; საპატიმროს დარაჯთა მოსყიდვა—51 შემთხვევაში.

როგორც ოფიციალურ ანგარიშებშია მოხსენებული, 1906 წლ. განმავლობაში ციხეში მომხდარ უწყსოებათა რიცხვი უდრის 505. 11 შემთხვევაში ტუსალებს მოუკლავთ სატუსალოს ადმინისტრაციის მსახურები; 3-ჯერ გარედან დასცემიან სატუსალოებს; 133-ჯერ თვით საპრობილეშივე მოხდა უწყსოებანი; აღმოჩენილ იქნა თხრილი და ჩამოქცეული კედელი 240-ჯერ. აღგლი ჰქონდა ტუსალებისაგან ტუსალების მოკლას 42-ჯერ, თავი მოიკლა 42 პატიმარმა, ცეცხლი, წაუაყიდეს სატუსალოებს 34-ჯერ. უწყსოების დროს მოკლეს 95 და დასკრეს 140 ტუსალი.

— სიმფეროპოლის ციხეში პატიმარმა კოკოცევაშვილმა გადაიხსნა ნავთი და თავი დაიწყო.

— მოსკოვო-კურსკის და მურომის რკინის გზაზე მსახურთ აუკრძალეს მიიღონ მონაწილეობა პროფესიონალურ და პოლიტიკურ კავშირებში.

— ფინლიანდიის სენატმა უყურადღებოდ დასტოვა ფინლიანდიის რკინის გზის მმართველობის თხოვნა, აკრძალულ ყოფილიყო რკინის გზის მუშათა კავშირი.

— ბალახინის ციხიდან გაიქცა სამი თვალსაჩინო პოლიტიკური დამნაშავე.

— ბალტიის მხარეში 1908 წლ. პირველ ნახევარში ჩამოხრჩობა მიუსაჯიათ 126 კაცისთვის, კატორგაში გაუგზავნიათ 244 კაცი.

— ნ ივლისს, სოფ. ბელოზერინის (ნიჟნი-ნოვგოროდის ახლოა) გლეხებმა, რიცხვით 300 კაცმა, მოიყარეს თავი და გასწიეს ადგილობრივ მესაკუთრე გლეხების ტიულენოვის და ლოშჩილოვის—სათიბისაკენ. გლეხები შეიარაღებულნი იყვნენ ცელებით და ძალით ხელი აღებინეს მუშაობაზე შემოხსენებულ მესაკუთრეთა მთიბაებს. გამოიწვიეს სტრაჟნიკები, რომელთაც აუტყეს გლეხებს სროლა და დასკრეს 5 კაცი. აღელვებულმა გლეხებმა უკან არ დაიხიეს და განაგრძეს თიბვა. გამოწვეულ იქნა ნახევარი ასეული ყაზახი და სტრაჟნიკები. გლეხები დაამუშვიდეს. ბელოზერინში მივიდა გუბერნატორი, პროკურორის თანამდებობის აღმასრულებელი, გამომძიებელი და სხვა. როგორც გამოიკვეთა, გლეხებს ღიდიხანია სკერაით აღნიშნული სათიბი. უკანასკნელ წლებში ეს სათიბი მიუსაკუთრებია ორს გლეხს — ტიულენოვს და ლოშჩინოვს; ატეხილა დავა, რის შემდეგ, სამოსამართლო პალატის გადაწყვეტილებით, უკანასკნელთ დარჩენიათ ადგილი. გლეხებს ამნაირი გადაწყვეტილება უკანონოდ მიაჩნდათ და თავის უფლებას ძალით იცავდნენ... ამნაირი შეტაკება პირველი არაა თურმე. გამოძიების შემდეგ დაპატიმრეს 30 კაცი, რომელნიც ლისკოვსკის ციხეში გაგზავნეს.

ო ს მ ა ლ ე თ ი .

გამოცხადებულ იქნა იმპერიის მთელი პოლიტიკისათვის ღიდათ მნიშვნელოვანი ირადე (ბრძანება). ამ ირადეს თანახმად ოსმალეთის საერთაშორისო დამოკიდებულებანი უნდა ჩამოერთოს ილდიზ-კიოსკს (სასახლეს) და გადაეცეს უმაღლეს პორტას. აგრე ამიერიდან, სამინისტრო ფაქტიურად შეუდგება ქვეყნის საქმეების მართვას.

— სტამბოლის მუზეუმის დირექტორი ჰამდი აპირობს ხელის-მოწერის გამართვას პარლამენტის შენობის ასაგებათ.

— „Kossische Zeitung“ ამბობს ოსმალეთის საქმეების შესახებ, რომ ოსმალეთის ცვლილებისათვის ახალი და მრავალ-მნიშვნელოვანია ის, რომ ჯერ კიდევ პარლამენტის მოწვევამდე იწმინდება ადმინისტრაცია. სხვა გვარათ იყო საქმე სხვა ქვეყნებში, სადაც პირველი, მეორე და მესამე პარლამენტის მოწვევის შემდეგაც არ ხდინათ განაგრძობს ძველი ადმინისტრაცია პარლამენტის, როგორც ოსმალეთის ფაშები.

— ლონდონის დეპუტების ცნობებით ახალგაზღვა ოსმალთა მოძრაობას არ აჩნია დიდი ნაციონალური სიმძულვარისა. ახალგაზღვა-ოსმალნი, ბერძნები, სომხები, ებრაელები და მაკედონიის სლავიანები ძმურად განაგრძობენ მუშაობას განახლებულ სამშობლოს ასაყვავებლათ.

— მშვენიერი ბოსფორის ნაპირას მხიარულებენ ოსმალნი, ილდიზის გარშემო საერთო აღფრთოვანებაა დღიდებული მანიფესტაციები. სადაც გუშინ მეფობდა

ნა აქვთ ლიტერატურის განვითარებაზე. უნდა მოესპოთ, თუ კი შეგვიძლიან იმისი მოსპობა!

პირობები განა თუ მარტო უმარავ ნიქს მარხავენ ადამიანში, ისე რომ მის ერთი სხივის დანახვასაც ვერ ვასწრებთ; არამედ თვით გაღვივებულ ნიქსაც ხშირათ აქრობენ.

განა პირობებმა არ ჩააქრეს ნინოშვილის ნიქი? და განა მარტო ნინოშვილის ნიქი?!

რუსეთის ლიტერატურას ისეთი უდიდესი კელაპტარათგანიც კი, როგორიც იყო დოსტოვესკი, ისიც კი იძულებული იყო მთელი სიცოცხლე ქედმოხრილი ეარა პირობების მძიმე უღელ ქვეშ, რაც შესაფერ დაღს ასვა. მდა იმის მძლავრ, უმაგალითო ნიქს. განა მთელი სიცოცხლე სულ იმას არა სჩიოდა, ნეტავი ერთი რომანი მაინც დამაწერინა ისე მშვიდობიანათ, როგორცა სწერენ ტურგენევი, გონჩაროვი და ტოლსტოები? სიცოცხლის უკანასკნელ დროს, როცა მიაღწია თავის სანატრელ სურვილს და უზრუნველ ჰყო თავის ცხოვრება, მართლაც აკი დასწერა „მშვიდობიანათ“ ერთი რომანი, რომლის ფასიც ჯერ არც ერთი არ დაეწერა.

თქვენ მეთორმეტე საუკუნეს ადარებთ ჩვენ ეხლანდელ დროს. მეტი სერიოზობა მოგეთხოვებოდათ, ბატონებო, მეტი, ვინემ ეგრე ზერეღეთ მაგალითების მოყვანა!

თქვენის აზრით ნიქიერები მარტო იმ ერთ საუკუნეში ყოფილან; არც იმაზე წინეთ და არც იმის შემდეგ ჩვენ დრომდის აღარა ყოფილან მაშ ისეთი ნიქიერები, ჰა?

ჩვენ კი გეუბნებით—მაშინ პირობები იყვენ ისეთი, რომ ნიქს თავისუფლათ შეეძლო გაეშალა ფრთები და სავსებით ეჩვენებინა თავისი ძალა. მაშინ ლიტერატურა არ საკიროვებდა ბაზარს; მწერლის არსებობაც ოდნავათაც არ იყო დამოკიდებული თავის ნაწარმოებზე და ყოველთვის თავისუფლათ შეეძლოთ წერა, თუ კი ამისთვის ხელს უმართავდა ცოდნა და ქვეყნის მშვიდობიანობა.

ჩვენ დროს კი მწერალი იძულებულია დღის საუკეთესო დრო გაატაროს კანტორაში, ქარხანაში, მაღაზიაში და სხვაგან. შემდეგ კი, თუ კიდეც დარჩა დრო და შესწევს ცოტაოდენი ხალისი, დასწერს რამეს ისე, სხვათა შორის.

ამ პირობებში მოითხოვთ თქვენ კარგ ნაწარმოებებს დაწერას! როცა ეგრე ლაპარაკობთ, ჩვენ ძალაუფლებურათ უნდა ვიფიქროთ, რომ თქვენ ნიქს ან ჯერ არ გაუღვიძია, ან თუ ანთებულია, მაშ ცხოვრების გრიგალს ჯერ არ დაუბერია მისთვის და არ ჩაუქრია, ჯერ მას არ შემთხვევია ცხოვრების ბარიკადებზე ბრძოლა და არ შეხვედრია პირისპირ მის დაბრკოლებას! უიმი-სოდ მაშ როგორ უნდა სთქვათ, რომ ნივთიერი პირობები აქ არაფერ შუაშია?

მართალია, პირობებიც რომ კარგი იყოს, შეიძლება რუსთაველისთანა არც ერთი არ გამოჩნდეს, მაგრამ

რუსთაველი გამოკლება იყო, რუსთაველს ვერ დაეუშო. რჩილებთ ჩვეულებრივ კანონებს, როგორც ვერ დაეუშო. რჩილებთ შექსპირს, გეტეს და სხვას, და ვერც ჩვეულებრივ მწერლებს დაუწყებთ ზომვას მის საზომით, მაგრამ იმისთანები კი, როგორიც იყვენ შავთელი, თმოგელი და სხვა, ვის სახელიც ჩვენამდის არ მოსულა, ბევრი გამოვა ყოველთვის (იყვენ კიდეც XIX საუკუნეში), თუ კი შესაფერი პირობები იქნებიან.

თქვენ არ მოგწონთ ჩვენი წინადადება, იმიტომ რომ ის პალიატიურია. მაგრამ რალა ჩვენ წერილებზე გაიღვიძა თქვენმა კრიტიკის ჟინმა? განა ღუტუ მეგრელი იმავე პალიატივებს არ დაეძებს ხოლმე თქვენი გაზეთის ფურცლებზე? რატომ იმას აღარ უწევთ კრიტიკას? და თუ ჩვენი საშუალება ბევრით უფრო მახლობელია და შესაძლო, ამისთვის თქვენ უნდა ხელი მოგმართათ და არა თუ დაგეგვრიათ, დაგეშალათ და გაგეჟარწყლებინათ.

მაგრამ იქნება იმიტომ მოინდომეთ იმისი გაქარწყლება, რომ თქვენ უკეთესი რეცეპტი გქონდათ ჩვენი ლიტერატურის განსაკურნავათ?

მართლაც იძლევიტ რადიკალურ საშუალებას და ეს რადიკალური საშუალება ყოფილა ჩვენი მწერლობის კულტურული დონეს ამაღლებაში და კიდეც გულწრფელობაში.

საოცარია, რიგორ უნდა აამაღლოთ კულტურული დონე, როცა ჩვენი მწერლები იძულებულნი არიან დღემუდამ იმუშაონ ქარხანა-კანტორა-მაღაზიებში? როცა მათ ამისთვის არ შესწევთ შესაფერი დრო და საშუალება? აი კიდეც გორკი! როცა მან მწერლობა დაიწყო მისი „კულტურული დონე“ ფრიად დაბლა იდგა; მაგრამ მწერლობაში მან ეს დონეც აიმაღლა და თავისი ნიქიც უმაღლეს წერტილამდის გაზარდა.

თვითონ მწერლობაშივე იზრდება (მხოლოდ არ იზადება) და კეთილშობილდება ადამიანის ნიქი. ჩვენში კი არ არის მწერლობის შესაფერი ასპარეზი და იმიტომ ნიქიც რჩება იმავე დონეზე, როგორზედაც იწყებს თვის პირველ მუშაობას.

რაც შეეხება გულწრფელობას აქ აშკარადება თქვენი ნამდვილი მიაშიტობა, მიაშიტობა, განა თუ მარტო კითხვის თავისებურ ახსნაში, არამედ ბუნების კანონების გაუგებრობაშიც. რომ გულწრფელობა კაი საქონელია, ამაში ყველა გულწრფელი ადამიანი დაგეთანხმებათ, მაგრამ გულწრფელობა ხომ ბუნებრივი თვისებაა და მისი ხელოვნურად შექმნა ჩვენ არას დროს არ შეგვიძლიან. ის შედეგია მრავალ შთამომავლობისა და ათასნაირი პირობების კომბინაციისა.

თქვენი საშუალება ფრიად განყენებულია. ის კაცის ბედისა და შეძლების გარეშე სდგას!

თქვენ ისე მაღლიდან დასცქერით ცხოვრებას, რომ მის მრავალ არა სასურველ, მაგრამ ანგარიშ გასაწევ აუცილებელ პირობებს ვეღარ ამჩნევთ. ამ შემთხვევაში თქვენ თქვენის გულწრფელობით მოგვაგენებთ სწორეთ

რაფელის ღრუბლებში მოცურავე მადონას თავის პატარა იესოთი.

როგორცა ვთქვით, გულწრფელობა ჯერ ერთი არ შეგვიძლიან შევქნათ ხელოვნურათ; მერე და გულწრფელობა არის მწერლის მხოლოდ ერთი კარგი სულიერი თვისებათაგანი და არა ის ნიადაგი, რომელზედაც უნდა აღორძინდეს ადამიანის ნიჭი.

ჩვენ გეუბნებით, გავაკეთოთ ის რაც ჩვენ ხელთ არის. ჩვენი შეძლებისა დაგვართ მოვსპოთ ყველაფერი ის ტექნიკური დაბრკოლებანი, რომლებიც გზას უღობავენ როგორც არსებულ, ისე მომავალ მწერლების ნიჭის წინსვლასა და აყვავებას. გავაუმჯობესოთ რამდენიმეთ მაინც ის მატერიალური პირობები, რომლებიც შავი მაჯლაჯუნასავით აწვებიან კაცს ღღევანდელი ცხოვრების ყოველ სფერაში.

თქვენ ძალიან პლატონიური წარმოდგენა გქონიათ ცხოვრებაზე: არც კი გინდათ შეხედოთ ნივთიერ პირობებს და ჩვენც გვიკიჟინებთ, თუ რათ ვახსენეთ ისინი, რა ფუყოთ? ჩვენი ბრალი ხომ არ არის, რომ ადამიანის ნიჭს საზიზღარი ლითონის, ფულის კარები აბია. ეს ხომ კაპიტალისტური წეს წყობილების საერთო სენია! ჩვენი ვალია ზოგჯერ გავაღოთ, ზოგჯერ შევამტვრიოთ ეს კარები, რომ ამით საშუალება მოგვეცეს მუდმივი დამოკიდებულება ვიქონიოთ ადამიანის ნიჭთან; რომ დავსტკბეთ მის ცქერით, მის სმენით, მის მგრძნობიერობით და არა თუ ვიქციტოთ ამ კარების ქუქრუტანებიდან.

ჩვენ დიდი სიამოვნებით უარვყოფდით ჩვენ აზრს, რომ „ამირანს“ მართლა რამე რადიკალური საშუალება წამოეყენებინა და შევეუერთდებოდით მას, რადგან ჩვენ სიამაყეს ვხედავთ არა უადგილო ჯიუტობაში, არამედ სიპართლისა და სისწორის ჩქარა მიხვედრასა და შეთვისებაში; მაგრამ სამწუხაროთ ეს ასე არ არის, ამიტომ, დაე „ამირანმა“ „გულწრფელოთ“ უარყოს ჩვენი წინადადება, ჩვენ მაინც მივაქცევთ წ.-კ. საზოგადოების ყურადღებას „ჩვენი კვალის“ მეშვიდე ნომერში მოთავსებულ წერილის შინაარსზე და იმედია თავის დროზე შესაფერ პასუხსაც გაიღებს.

ლევ. მეტრეველი.



მ ე გ ო ბ რ ე ბ ა ს .

აღეშართოთ დროშა მტარვალთ სამუსრად,
ქირს შევეჯახოთ, ვით ბერ-კეტს გრდემლო,
კაცს დაეუბრუნოთ უფლება კაცის,
მოვსწმინდოთ თვალზედ ტანჯულ ერს ცრემლი!

შევეჯგუფდეთ ერთად!..

საგნად და ღმერთად

ჩვენ გავიხადოთ სულ წინ სვლა ბრძოლით;

შეველიჯოთ ზღუდე

და მტარვალთ ბუდე

აღმოვეფხვრათ მედგრად ძმურის მიწოლით!..

მრავალ რაზმად ვართ ჩვენ დაყოფილნი,
მაგრამ საგანი ერთი გვაქვს ყველას:
თვითეულ ჩვენგანს ერთგვარად მოსთხოვს
ხალხი ტვირთ-მძიმე ხსნასა და შევლას.

ჩხუბის აღმურში

მაბრძოლთა გულში

სხვა და სხვა ხერხი პოვილობს ბინას:

ზოგი იბრძვის ხმლით,

ზოგიც მკაცრის ხმით

მტერს თავ-ზარსა სცემს და უსწრებს წინას!

ნუ დავივიწყებთ მშობელ ქვეყანას!
მან დიდ-ხანს გვკვება ტბილის ძუძუთი;
მტარვალთ ველურის ძალ-მომრეობით
მას მოსწამელია ცხოვრების წუთი.



სიკვდილი სამშობლოსათვის.

სურათი ბელგიელ მხატვარ ვიერტიკისა.

ერთს გვარ ღღეში მყოფს,
ორს მწარს ავათ-მყოფს
რომელს სჭირია საჩქაროდ შევლა?
უჭირისუფლოს?
თუ, ვინც თვით უფლობს
თავის თავსავე და სარჩლობს ყველა?!

განსაზღვრული აქვს სხვებს ბრძოლის ბოლო,
ჩვენ კი თავს გვაწევს ქირი ორ-გვარი:
ვიბრძვით ჩვენ, მაგრამ ჯერ კი არ ვიცით
სად უნდ დავედვათ ბრძოლას საზღვარი!
მაგრამ ამ ყოფას
ფუ! ვინც დასდებს ფასს!
იგი ცოცხლადვე დამარხულია...

დროც ხომ ეს არი!
ვტყორცნოთ ისარი,
სანამღი შეილდი მომართულია.

კაცობრიობა ხესა ჰგავს ღიადს,
ტოტებ გადაშლილს და გალალეულს,
იმის სიცოცხლის ძალთა საზრდელად
ზედ ააქვს საზრდო მისს ფესვთა კრებულს.

ეს არის წესი:
თუ გახმა ფესვი,
ქნობას დაიწყებს ხე ახოვანი
და რა დრო განვლის,
ფუქად ჩაივლის
ფესვთა ამაგი მრავალ-წლოვანი.

კაცობრიობის ფესვია ერიც:
ის ზრდის მსოფლიოს დიდ-აზროვნებას
და ვინც ერს უკლავს თვისებურებას,
კაცობრიობას დიდს აძლევს ვნებას!
აღმართოთ დროშა მტარვალთ სამუსრად,
ქირს შევეჯახოთ, ვით ბერ-კეტს გრდემლი,
კაცს დაეუბრუნოთ უფლება კაცის,
მოვსწმინდოთ თვალზე ტანჯულ ერს ცრემლი!

ცახელი.

დ ე ლ ე ბ ი .

(მოთხრობა. *)

II.

— დედა მოვიდა! დედა!

— რა მოგვითხანე, დედიკო?

ერიამულით გამოგებენ ბავშვები დესიკოს.

— არაფერი, შეილო, ბაზარში არ ვყოფილვარ!
უთხრა ღიმილით დესიკომ.

— უი და, და, და! .. რა მარგალიტი ყმაწვილები
გყოლიათ გენაცვალე, ქალბატონო! შესძახა ნატომ.

ბავშვებმა რომ უცხო დედაკაცი დაინახეს, შერცხ-
ვით, და უკან გადგნენ.

— უჰ, დავილაღე! სთქვა დესიკომ და მოქანცული
დაეშვა ტახტზე.

— აქ ბინადარი მცხოვრები ბრძანდები, ქალბატონო,
თუ დროებით ჩამობრძანებულხარ? იკითხა ნატომ და
თვალი მოაქოო ოთახს.

— კარგა ხანია, რაც აქა ვართ. ჩემი ქმარი სახაზინო
პალატაში მსახურებს.

— კაი სრული, ნათელი ოთახები კია, რას აძლევთ!

— თვეში ხუთ თუმანს.

— რაედენი თვალია? აღარ ჩერდებოდა ნატო.

— სამი, მოკლეთ უგებდა პასუხს დესიკო, რომე-
ლიც ამ წუთებში ლაპარაკის გუნებაზე არ იყო.

— წაიყვანეთ, შეილო, ნატო სამზარეულოში,
საბედას უთხარით დროზე სადილი დააქაროს, საცა-
მამაც მოვა, მანამ მეც ცოტათი დავისვენებ, მიუბრუნდა
ღიმილით დესიკო შეილებს.

— მართლა, აბა ერთი წავიდეთ, გენაცვალეთ,
ენახო ჩემი საქმე რა არის, რომ ბარემ ხელი მოვკიდო,
მიატანა ნატომ.

— ლაპარაკი ძალიან ჰყვარებია, სხვაში თუ რამე
ხეირი აქვს, გაიფიქრა დესიკომ და წამოწვა ტახტზე.

— აქ წამო, მოდი აქა, აგერა ჩვენ სადა გვძინავს!..
ტიტინებდა სამი წლის თიკა, ნატოსთვის კაბაში ხელი
ჩაეკლო და მიჰყავდა. მეორე ბავშვიც სიცილით უკან
მისდევდა. ნატო შეიყვანეს ფართო ოთახში, სადაც სა-
წოლები ჩამწყვრიებულიყო.

— აი ამაში არჩილსა სძინავს, აქ მე, აქ დედასა,
აქაც მამასა.

— მართლა, გენაცვალე! იშ, იშ, რა მშვენიერი
ღივნებია და და და!.. მე არ ჩამაწვენთ?

— ჩაგაწვენთ!.. თავს უქნევდა თიკა. ბავშვები ახ-
ლა სამზარეულოსკენ გაუძღვენ ნატოს.

— საბედ, ამას შეხედე... აი დედამ ვინ მოიყვანა...
შესძახა არჩილმა.

ხანში შესულმა ქალმა, რომელიც ხორცსა კეპავდა,
მოიხედა და გაიღიმა.

— რაღა გიშავთ! ხეალის იქით მეც ველარ დავდ-
გებოდი... კაი დროს მოგესწროთ, სთქვა მან და აუყენა
დანებს კაკუნს.

— შენ რისთვის მიღიხარ?... ჰკითხა ნატომ და
ჩამოჯდა სკამზე.

— სახლში მიბარებენ, უფროსი შვილი ავით გაშ-
დომია.

— დროებით მიღიხარ თუ... ჰკითხა კვალად ნატომ.

— რაკი წავალ, იქიდან ვილა გამომიშვებს. ეხლა
საქმის დროა.

— ქალაქში გაჩვეული სოფელში როგორღა გას-
ლებ?

საბედამ გაოცებით შეხედა ნატოს.

— ჩემ სახლში ვერ გავძლებ?... ჩემ სახლში რომ
ნაცარი ვშუშო, სხვის კარებზე ნაზუქების ქამას მირჩე-
ნია. ამ ოჯახის გარდა მე ჯერ არსად არა ვყოფილვარ,
ღმერთმა აცოცხლოთ, პატიოსანი ხალხია, თვითონ ქალ-
ბატონი ჩვენი მზრდელია, მაგრამ მაინც ჩემს სახლში
მირჩევენან. ჩემი პატარა ბიჭის პაღიას დანახვა მთელ
ქვეყნათ მიღირს, სთქვა საბედამ და სიამოვნებით გაი-
ღიმა.

— შენ სადღაური ხარ, ქალო? ჰკითხა ბოლოს სა-
ბედამ, როდესაც დაინახა ჩაფიქრებული ნატო.

— მე?... სოდან ვარ.

— ბეჩა და ჩვენი მეზობელი ყოფილხარ. რომელ
ოჯახიდან?

*) იხ. ჩვენი კვალი № 9

ნატო დაიბნა, კარგა ხანს ვერ ახერხებდა სიტყვის თქმას.

— ანდურაშვილიანთგან, ბოლოს წარმოსთქვა მან.

— რა ექნა, ვერ მომიხსენებია... მე იქაურებს თითქმის ყველას ვიცნობ... ჩვენ სოფელში ხშირად ჩამოდიან ხოლმე.

— მე კაი ხანია, რაც აჭა ვარ... ბარე... ბარე ათი წელიწადი იქნება, რაი ჩემ სოფელს მოვშორებოვარ, სთქვა ფიქრიანათ ნატომ და გვერდზე გაიხედა.

— მას აქეთ მოჯამაგირეთ დადიხარ?... მაგისტანა ყმაწვილ ქალს, ან ქმარი არა გკითხულობს, ან შეილი? არა გგანებია ჩემ მოხუცებულ კაცსა. ეხლაც ლამის კბილით შემეპაოს, მეჩხუბება, სხვასთან რათა ხარო...

— ქმარი?... განა ყველას ქმარი ქმარია!.. ჩემმა ქმარმა დიდი ხანია ხელი აიღო ჩემზე და აღარც კი იცის, სადა ვარ. რაში ვეკითხები, სწორე გითხრა ეხლა აღარც მე შეკითხება, დაუმატა ნატომ და მძიმეთ ამოიხრა.

— შეილები არა გყავს? ჰკითხა საბედამ და გაკვირვებით მიაჩერდა ნატოს.

— ერთი ბიჭი მყავს, ისიც მამასთან არის.

— ის მაინც აღარ გაგონდება?

— ეჰ, ჩემო დაო, სადაც ჩემთვის სიკეთე არ არის, იქ ყველას თვალებიც გამოხეთქია, უპასუხა ნატომ იმნაირ ხმაზე თითქო ამითი უნდოდა მოესპო ეს უსიამოვნო ბაასი.

ბავშვებს მოსწყინდათ დედაკაცების ლაპარაკი, გამოვიდნენ აივანზე და დაიწყეს თამაშობა. ამასობაში სადილობაც მოახლოვდა; საბედამ სუფრა გაშალა; მიიშველია ნატოც. ნატოსთვის ბევრი ჩიჩინი საჭირო არ იყო, ეტყობოდა სამსახური კარგათ იცოდა.

— ეს დედაკაცი მარჯვე ჩანს, მაგრამ როგორღაც ამისი შეუფერებელი სისრულე თვალში მეჩხირება... ესეც ხომ ქალბატონივით მძიმეთ არ არის?... ფიქრობდა საბედამ და კვალათ დაკვირვებით მისჩერებოდა ნატოს.

III

საბედამ იმ დღესვე წავიდა. დარჩა დესიკო ნატოს აპარა, რომელმაც ჩინებული მზარეულობა გამოიჩინა! და ბავშვებსაც ეფერებოდა.

დესიკო დამშვიდდა, დარწმუნდა, რომ ნატოსაც არა უშავდარა, მაგრამ რაც დრო მიდიოდა ნატოს სახე უნაღვლიანდებოდა და ხშირად ოხრავდა. დესიკომ შეამჩნია ეს ცვლილება. ნატო თანდათან დაზნაბდა და წინანდელის ხალისით ვეღარ ჰკიდებდა საქმეს ხელს.

— ნატო, ავთა ხარ? ჰკითხა ერთ საღამოს დესიკომ, როდესაც ბავშვებმა დაიძინეს.

ნატო შეკრთა, ფერმა გადაჰკრა, მაგრამ მაინც მივიდა ქალბატონთან და ჩაჯდა მის გვერდით.

— ეჰ, ქალბატონო, არც კარგათა ვარ, სთქვა მან ნაღვლიანათ და მძიმეთ ამოიოხრა.

— მე დიდი ხანია გატყობ, რომ კარგა არა ხარ. ღამე ცუდათ გძინავს?..

— ათასი დარდი და ვარამი რა ძილს გააჩერებს ჩემთან, ქალბატონო!... თქვენ როდის მოვლით მორჩენას? ჰკითხა მან შემდეგ და ნიდაყვზე სახე დაანდო.

— მე?... მალე... ამ ცოტა ხანში...

— თქვენა ბრძანეთ ძიდა უნდა დაეკიროო?

— ჰო, საუბედუროთ რძე არ დამყვება ხოლმე და რა მეტი ღონება!... ნაღვლიანათ უპასუხა დესიკომ.

— მაშ... მაშ, ქალბატონო. მე დაგიდგებით ძიდათ! გაუბედავით წარმოსთქვა ნატომ...

— შენ ძიდათ?! განა შენც მძიმეთა ხარ?! ჰკითხა გაოცებით დესიკომ.

— დიახ, მაგრამ... ეჰ, ქალბატონო, აღარ შემიძლიან მოვითმინო, რომ ჩემი გაქირვება არ გითხრათ, განაგრძო ნატომ.

— მძიმეთ იყავი და აქამდის არ მითხარი!.. ეგ კარგათ ვერ მოგივიდა, ჩემო ნატო, უსაყვედურა დესიკომ.

— დალოცვილო, მერე ამითი რა გავაფუჭე? საქმეს ხომ გიკეთებ. მელოგინეს მოგივლი, ბავშვებს მივხედავ და სხვაც ამაზე მეტს რას გასიამოვნებდა?

— ეგეები როგორ უნდა შესძლო?... შენ თვითონ რომ მოინდომო, მე როგორ უნდა გავსარჯო, თუ მე არ შემიძლიან არაფრის გაკეთება, შენც ხომ ჩემს მდგომარეობაში ხარ?

— იი, შენ კი გაიხარე, ქალბატონო! შენი საქმე და ჩემი ერთი არ არის. შენთანაც რომ არ ვიყუევ, გულხელ დაკრფილს ვინ დამსვამს?... საქმე უნდა გავაკეთო, სანამ... სანამ ლოგინში ჩავეგდებოდე.

— როდის ელი მორჩენას? ჰკითხა შიშით დესიკომ, რადგან წარმოიდგინა, რომ შეიძლებოდა სწორეთ საჭირო დროს დარჩენილიყო მარტო.

— ამ თვეს გავიყვან. ფიქრი ნუ გაქვს ნურაფრისა, ე ლოგინიდან კი აგაყენებ და მერე რაც უნდა მომივიდეს.

— სად აპირებ მორჩენას? თუ ჩემი იმედი გაქვს, ხომ ხედავ, რომ მე თვითონაც რა გაქირვებაში ვარ... დიწყო ნაწყვეტ-ნაწყვეტათ დესიკომ და თან თვითონვე ეძნელებოდა გაქირვების დროს დახმარების უარის თქმა...

— განა მე თვითონ არ ვიცი, ქალბატონო, მაგითი როგორ შეგაწუხებ; მაგრამ სიტყვით ერთ რამეში კი უნდა დამეხმარო.

— სთქვი... თუ კი შემიძლიან დიდის სიამოვნებით.

— გენაცვალე, ქალბატონო, არ შეიძლება მომიხერხო, რომ მშობიარეების სახლში უფულოთ მომალე გინონ... გამოგინა, საწყლებისათვის არის ის სახლიო და ჩემზე საწყალი ვინლა?

— რატომ. ერთი ნაცნობი ბებია ქალი მყავს და მოველაპარაკები, მაგრამ, საკვირველია, შენმა ქმარმა როგორ გამოგინა მცდე მდგომარეობაში მყოფი გარეთ? დაუმატა დესიკომ და შეხედა ნატოს.

— ეხ, სადღა მყავს ქმარი ან სხვა ვინმე! წყალსა და მეწყერს უზიდნიათ ჩემი ცოდით. ბარე ხუთი წელი-

წადია, რაც ჩემი ოჯახი თვალთ არ დამინახავს, იმ უბედურათ სატარებელმა გამომადგო. სამი წელიწადია ერთ კატანა ვცხოვრობ აქ ქალაქში... ერთი შეილი იმასთან მყავს. ახლა მეორეზე რომ დავმძიმდი, ამანაც სახლში აღარ დამაყენა, დაუმატა ნატომ და თვლებში ცრემლები მოერიო. დესიკო თანაგრძნობით უყურებდა ნატოს.

— ახლა რა უნდა ჰქნა, შე საწყალო?... ჰკითხა მან.

— ქალბატონო, მართალია, რომ თავშესაფარში ბავშვებს მიაგდებენ ხოლმე ჩემისთანა გაქირვებულები და ისინიც ზრდიან? ჰკითხა ნატომ.

— მართალია, მაგრამ შენთვის მაინც სამძიმო იქნება.

— რა გენაცვალე?..

— ის რომ, შენთვის სამუდამოდ დაიკარგება ბავშვი, აღარ გეცოდინება ვისთან არის, ან როგორია!

— ეჰ, დალოცვილო, აბა თუ ჩემ ხელში დარჩა, ვინ იცის რა სანუკვრებს არ გამოვუღწევ. ე ჩემ ხელშია კარგი არა დაეყრებარა და აზრი ის არა სჯობიან, არ ვიცოდე იმათ ხელში რა მოუვა? ერთი შეილი პირველ ქმართან დამიტოვებია, მეორე მეორე კატან და თუ კი უიმართოთა ვძლებ, ეს რაღა ნატვრის თვალი იქნება! ნეტაი კი მომიხერხდებოდეს, თორემ მაგაზე არ შეეწუხდები, სთქვა ნატომ და ამოიოხრა.

— რას ამბობ, ნატო, მაგას?! შესძახა დესიკომ.

ნატომ შეხედა ქალბატონს, რომელსაც წარბები შეჰკროდა, ლოყები დასწითლებოდა, სახეზე აღშფოთება ეტყობოდა.

— გული რას გეუბნება? კვალათ დაეკითხა დესიკო.

— გულიც იმას მეუბნება რასაც სიტყვებით ვამბობ... დაუდევრათ უპასუხა ნატომ.

— ნატო, იმათ ხომ ხედავ! შესძახა ალღევებით დესიკომ და ხელი გაუწვდინა იქით, საიდანაც მოისმოდა მშვიდობიანი სუნთქვა ბავშვებისა.

— ორი შეილი მყავს, მესამესაც ეხლა ველი; შეიძლება კიდევაც თან გადავყვე მაგრამ, მე მაინც უამართოთ ერთ ღღესაც ვერ ვიცოცხლებ. ვერ წარმომიდგენია, რა უნდა ვიყვე უამართოთ? .

— არ გაგქირებიათ და იმიტომ.

— რაც უნდა გამიქირდეს, ლუკმაც რომ არა მქონდეს, მაინც ჩემს შეილებს გულიდან ვერ მოვიხსნი და მათთან ერთათ შიმშილით მოგვკვდები.

— თქვენი საქმე სხვაა, ქალბატონო! დარცხვენით წარმოსთქვა ნატომ.

— რა სხვა? განა შენც ჩემისთანა ქალი არა ხარ, განა შენც ღედა არა ხარ?..

— ეჰ, ჩემი ბედი ასეთი ყოფილა და რა ვქნა...

— ამ წუთამდის მეცოდებოდი, მაგრამ ეხლა... ველარ გაათავა სიტყვა დესიკომ და ალღევებისაგან ხმა ჩაუწყდა.

— განა ეხლა კი საბრალო არა ვარ? ყრუთ ჩაილაპარაკა ნატომ და ჩაჩუმდა. როდესაც დესიკომ გაი-

გონა მისი უკანასკნელი სიტყვები, შეჩერდა, გულშივე ჩაიბრუნა სათქმელი სიტყვა.

— მე შემეძლო არა განმეზილა რა, მაგრამ, როდესაც დაგინახე, რომ კეთილი იყავ, მეგონა მართალს რომ გეტყოდი, უფრო შემიბრალედი და დამეხმარებოდი... წარმოსთქვა ნატომ. დესიკო ღელავდა. ველარას ამბობდა. მაგრამ ბოლოს კარგა სიჩუმის შემდეგ უფრო ღმო-ბიერათ მიმართა ნატოს.

— ვთქვით კიდევაც დაგეხმარე და თავშესაფარში მიგიღეს, მერე რას აპირებ?...

— ბავშს იქ მივიყვან და თუ მიმიღებ, ძიძათ მოვალ შენთან.

— ოხ, არა!. მე შენ ძიძათ არ გამომადგები!.. შესძახა აღშფოთებით დესიკომ.

— რატომ? ძიძებს ხომ მაინც თან არ მიჰყავთ გასაზრდელბთან თავიანთი შეილები?

— ისინი შეილებს თავის ოჯახში სტოვებენ და ქუჩაში არა ჰყრიან!

— თქვენა გგონიათ ყველანი?

— ალბათ.

— არა, ქალბატონო, ბევრი მათგანი სტყუის, იგონებს, ისევე იქცევა, როგორც მე... იმათ იყვანენ იმიტომ, რომ სტყუიან და მე კი, რაკი მართალი ვთქვი, უარს მეუბნები?... მაგრამ თქვენი ნებაა, რახან თქვენ არ ამიყვანთ ძიძათ, სხვასთან არ წავალ და ისევე იმასთან დავბრუნდები...

— ვისთან?... ჰკითხა დესიკომ.

— ჩემ საყვარელთან. დამშვიდებით უპასუხა ნატომ.

— როგორ?! შესძახა აღშფოთებით დესიკომ.

— შენ კიდევ მიდიხარ იმასთან, ვინც გაგაუბედურა და არ შეგიცოდა?... ვისიც წყალობით შეიღოს. ქუჩაში აგდებ?... ან მიგიღებს კია?..

— უბავშვოთ მიმიღებს. რა ვქნა, ქალბატონო, მაინც და მაინც რომ სთქვას კაცმა, არც მე ვარ იმასთან სულ პირნათელი.

— როგორ?

— ეს ბავშვი იმისი როდია.

— მაშ ვისია?

— მე თვითონაც არ ვიცი, რომელია ამისი მამა.

— ღმერთო, ეს რეები მეყურება? დაღუპული, უბედური ყოფილხარ და მართლათაც საცოდავი ხარ. რო იცოდე, ნატო, მაგ ცხოვრებას რა საშინელი ბოლო მოსდევს!.. თვითონვე შეძრწუნდები!..

— რაც იქნება იქნება. ალბათ ჩემი ბედი ასეა და რას ვიზამ! კვლავ გაიმეორა ნატომ და სახეზე დაუდევრობა გამოეხატა.

ამათი ლაპარაკი შეწყდა, რადგან ამ დროს დათქოა შემოვიდა ოთახში.

მთელ ღამეს არ მოუსვენია დესიკოს. მუდამ თვალწინ უდგა ნატო და მაზე ფიქრობდა. სწყევლიდა იმ შემთხვევას, რომელმაც ის დესიკოს სახლში შემოიყვანა და იმის საშინელ საქციელში თითქო უნებური თანამოზიარე გაიხიდა.

— მაშ უნდა დავეხმარო?... უნდა დავეხმარო, გზა გაეუწმინდო, რომ ყველა ეს სისაძაგლე მოახდინოს?!
ოხ, არა! არა, მე ნება არა მაქვს!.. ძალზე სძგერდა, კენესოდა ღესიკოს გული. წამს თვალთწინ წარმოუდგა უბედური ჩვილი ყრმა, რომელიც ქუჩაში სადმე კუთხეში იყინება, წარმოუდგა უზრუნველი ნატო, გარეული გარყვნილ ხალხში...

„განა უფრო არ უნდა შემიბრალო?!“ ჩაესმა ამ დროს ყურში ნატოს ხმა და ღესიკო კიდევ უფრო აღშფოთდა.

— არა, მე ამას ხვალვე დავითხოვ!.. ფუფუნს ვაჩუქებ, მაგრამ მაინც დავითხოვ! იმეორებდა ღესიკო თავის გულში.

— თავშესაფარში რომ ვერ შევიდეს, რას იზამს?... შეიძლება კიდევაც მოჰკლას, დაარჩოს და ისე გაინთავისუფლოს თავი მისგან!.. ამ გახსენებაზე ღესიკოს გონება მთლათ აერია და შეშინებული საჩქაროთ დაუბრუნდა იმავე აზრს, რომ როგორმე თავშესაფარში ადგილი უშოვოს.

(შემდეგი იქნება).

ანასტასია ერისთავ-ხოშტარია.



ს ო ზ ე ლ შ ი .

აღარსით ისმის ხმა იმედისა,
სოფლათ სიჩუმე გამეფებულა,
სძინავს ხალხს დაღლილს, შეურაცყოფილს,
თითქოს სამუდამოთ დაქინებულა!..
ვხედავ გარშემო სამშობლო მთები
გლოვისა ძაძით შემობურჟულა
და მის კალთები ტანჯულთ გულიდან
დანთხეულ სისხლში ამოწურულა!
ფიქრი, ცრემლები, ოხვრა და კვნესა,
ირგვლივ გოლგოთა გულ-შესაზარი!
არ სჩანს არც ბოლო, არც დასაწყისი,
სად არის ნეტავ ბედის საზღვარი?..

მო, ქარ-გრიგალო, შემოახიე
ტანჯულ ქვეყანას გლოვის ზეწარი,
მო, განთიადო, კელავ აგვიფლერე
იმედის ხმაზე ჩანგი მკენესარი!
მო, გაზაფხულო აგვიმცენარე
მინდორ, ტყე, ველი, ამწვარ-ამხმარი;
ამცნე ქვეყანას ხმა იმედისა,
გამოაფხიზლე ხალხი მძინარი!
მო, შენც ნიაჲო, წყნარათ დაქროლე,
ააშრე ველათ სისხლის ტპორები,
მოგვეც ჰაერი, სულს არ ხუთავდეს
მძვინვარ მხეტიაგან ანაშობარები!
ან განმაშორეთ ტანჯულ ქვეყანას,
მომიკალთ გრძნობა, გამიპთე გული,

ნუ შემიბრალებთ, მწარე ცხოვრების
მტყორცნეთ ზვირთები განდიდებული!
თუნდ ზღვის უფსკრულში გადამისროლოთ!
დე, იქ ჩაინთქეს სიცოცხლე კრული,
თვალთ აღარ ძალუძს პარტახ სამშობლოს
უცქიროს მარად აცრემლებული!..

დარია.



კ რ ო შ ი ნ ც ი ა.

ს. ჩოჩხათი (გური). 1905 წლამდის ჩოჩხათის საზოგადოებაში იყო სულ ორიოდ სასწავლებელი, ადგილის უქონლობის გამო მრავალი ბავშვისთვის სკოლის კარები მუდამ დახუჭილი იყო. ამას ნათლათ ხედავდა საზოგადოება და კიდევ სურდა ჩაეყენებია სწავლა-აღზრდის საქმე უკეთეს პირობებში; ამისთვის სხვა და სხვა ალაგას, სადაც მეტი საჭიროება მოიპოვებდა გახსნეს კიდევ ხუთი თითო კლასიანი სასწავლებელი, იმ იმედით რომ, სადაცაა სამოსწავლო მთავრობა დაინახავს ამ ჩვენს გარჯილობას და შესაფერ დახმარებასაც გაგვიწვესო. ხუთი შენობის აგება სკოლებისთვის და შეიდი მასწავლებლის შენახვა, სხვა ათასგვარ გადასახადებთან ერთად, ისეთ მძიმე ლოდან დააწვა კისერზე უამისოთაც გაძვალტყავებულ ხალხს, რომ მას აღარ შერჩენია არავითარი სახსარი, რომ სასურველათ მოეწყოს ეს ახალ აგებული სკოლები; ამ ნაირათ — გარდა ცარიელი კედლებისა, დამტვრეული დაფისა და ორიოდ მოწაფეების უშნოთ გამოთლილ სტოლებისა, არავითარი სხვა სწავლებისთვის აუცილებელი ხელსაწყო ნივთები სკოლაში არ მოიპოვება. აშკარაა, რომ თვალსაჩინოთ შეაფერხებს სწავლა-აღზრდის საქმეს ასეთ ცუდ პირობებში ჩაყენებული სკოლები. ყოველივე ამას, რასაკვირველია, კარგათ ხედავს სახალხო სკოლების გამგე ბ-ნი კ. მაჭავარიანი და ის ამას წინეთ კიდევ დაგვიბრდა, რომ სკოლების მოსაწყობათ უსათუოთ აღმოვიჩინეთ ხაზინიდან დახმარებასო, მაგრამ ჩვენდა სამწუხაროთ, ეს დაპირება ყინულზე დაწერილი აღმოჩნდა, და ჩვენი სკოლები კი ძველებურათ უყურადღებოთაა დატოვებული.

აბესაშვილი.

ს. გუბი (ქუთ. მაზრა). 7-8 წელიწადია რაც აქ არსებობს ერთ კლასიანი საქალბო სამინისტრო სკოლა, რომელსაც მასწავლებლის ჯამაგირათ ყოველ წლიურათ სამოსწავლო მთავრობა აძლევდა 400 მანეთს, მაგრამ დღემდე ხსენებული სკოლა ვერ ეღირსა საკუთარ შენობას. წელს უკანასკნელი წინადადება მისცა სამოსწავლო მთავრობამ ხალხს, რომ მომავალ სამოსწავლო წლის დაწყებამდე თუ საკუთარ სახლს არ აუშენებთ, სკოლა დაიხურება და ის 400 მანეთი სხვა სასწავლებელს მიეცემაო; ამის გამო სკოლის მზრუნველმა ილარიონ სვანიძემ მოიწვია ხალხი, და აუხსნა საქმის მდგომარეობა,

და თან ისიც დასძინა, რომ თუ სკოლის შენობის კეთებას დაეწყებოდა, სამოსწავლო მთავრობა ერთ-დროულად 300 მანეთს კიდევ გვეხმარებოდა.

მიუხედავად ასეთი საშუალებისა, აღმოჩნდა ისეთი პირები, რომელნიც სკოლის წინააღმდეგ წავიდნენ, მაგრამ კრებამ მაინც მიიღო გადაწყვეტილება, რომ შეიკრიბოს კომლიდან 2 მან.—60 კ. (ეს ფული სკოლის დაარსების დროს იყო გაწერილი, მაგრამ ზოგს დღესაც არა აქვს გადახდილი, აშკარაა დარჩენილია შესაკრები 16 მან.) ვისზედაც არის დარჩენილი და დაუყოვნებლივ შეუდგენ სახლის შეძენისათვის ზრუნვას.

მთავრობას დაუმტკიცებია აქაური ვაჭრების სკოლის ორ-კლასიანად გადაკეთება, რომელიც ნათხოვნი ქონდა ამ სკოლის მზრუნველს განსვენებულ ნ. წერეთელს, და თან 500 მ. ყოველ წლიურად უფროსი მასწავლებლის ჯამაგირსაც იძლევა, მაგრამ წელს შეუძლებელია იმისთვისაც შენობის შეძენა, რადგან ხალხი ეკონომიურად ძალიან დაცემულია, და თუ მივიღებთ მხედველობაში იმას, რომ ეს სამი წელიწადია რაც სიმინდი საყიდელი აქვს, და თან მრავალგვარი გადასახადები ყოველ დღე კარს ადგია, — ადვილი მისახვედრია მათი აუტანელი მდგომარეობა. ამის გამო, ძლიერ კარგს იზამს ხსენებული სკოლის მზრუნველი ბ. მოსეშვილი თუ სამოსწავლო მთავრობასთან იშუამდგომლებს და მეორე კლასს წელს გახსნიან პირველი კლასის ოთახებში; ეს შესაძლებელია, რადგან წელს მეოთხე განყოფილებაში 14 ბავშვია გადასაყვანი, და ესენი კარგად მოთავსდებიან ხსენებულ ოთახებში.

აქ ერთი კარგი შემოსავლის წყარო გლეხებისათვის მებარეშუმეობაა, მაგრამ წელს ამ დარგმაც წარმოებისამ ვერ მისცა ხალხს ჩვეულებრივი მოსავალი. ამის უმთავრესი მიზეზი ისაა, რომ სხვა სიყალბესთან ერთად მებარეშუმეთა ამხანაგობის ყოფილმა გამგებამ უფარგისი თესვები დაარბია, რის გამო მოსავალი სხვა წლებთან შედარებით საზოგადოთ განახევრდა.

როგორც სხვაგან ჩვენს სოფელშიაც იციან ქელებით ტირილი; მაგრამ სოფლის ერთმა ნაწილმა მოილაპარაკა და გადაწყვიტა მოსპოს ეს ჩვეულება, რაც ჯერ-ჯერობით კიდევ მოყავთ სისრულეში.

ქელების მოსპობასთან ერთად მოისპო სამეზობლო გადასახადიც—50 კ. ეგრეთ წოდებული გადასახურავი. სასურველია, რომ სხვებმაც მიბაძონ ხსენებულ ჯგუფს.

ლაღო მოსეშვილი.

ს. ახალ-ქალაქი. 20 ივლისს, ელიაობას, აქ გაიმართა „ილიას საღამო“ ქ. ქ. ეკ. გაბაშვილის, ერისთავ-ბოგუჩარსკისა, მარ. კეხელისა და საფაროვის თაოსნობით. გამოცხადებული იყო, რომ საღამოს 7 საათიდან ბ-ნი ილია ნაკაშიძე წაიკითხავდა ილიას ბიოგრაფიას. თავის დროზე შეკრებილმა საზოგადოებამ ილოდა საღამოს 9 საათამდე, მარა მას ლექტორი არ ელირსა. ბოლოს „საღამო“ გახსნა ბ-ნი ივანიძემ. ამან ექსპრონტათ,

მარა მჯახეთ, გამოცდილ ორატორის ეშხით, წარმოსთქვა შესაფერი სიტყვა. ხალხმა ფეხზე წამოდგომით პატივისცა მოსწავლის ხსოვნას. მერე ითამაშეს გლახის ნაამბობიდან გადმოკეთებული 3 მოქ. დრამა „ბატონი და ყმა“ პიესა მწყობრად ჩაატარეს. კარგათ თამაშობდნენ ბ. ბ. ჟივიძე, ჯანდიერი, საფაროვი და თვითონ რეჟისორი ბ-ნი ივანიძე. დაბოლოს გაიმართა დივერტისმენტი. ბავშვმა ქიქმემ მშვენიერად წაიკითხა ლექსი „ერთ ბელქეშა ვართ, ლაბავ, მე და შენ“!

ანტრაქტებზე სმენას „ატკობდა“ დაფა-ზურნა: უკრავდნენ ჯამბაზის სათამაშო ხმას. დარბაზში განუწყვეტელი ჟრიაბული იდგა ბავშვებისა, ხმაურობდნენ მოზრდილებიც და ყველა მხარზე, ყველა კუთხიდან მოისმოდნენ რუსული ლაპარაკი. ერთმა მანდილოსანმა პირველივე მოქმედების შემდეგ მთელ დარბაზზე გულუბრყვილოთ განაცხადა: „я ничего не поняла!“

მაყურებელთ შეადგენდა განსაკუთრებით „ბრწყინვალე“ წოდება. გლეხ-კაცობიდან თითქმის არავინ დასწრებია; სოფელი უკიდურესობამდე მისული, მას ამ ჟამათ ეგზეკუცია უყენია დაკარგულ მებატონე გ. თარხნიშვილის გამო.

ელა.

გურიის ამბები.

გურია. მოსავალს არც ისე საიმედო პირი უჩანს, როგორც აქნობამდე გვეგონა. თითქმის ერთი თვის გამუდმებულმა გოლვამ ძალიან გაუჭირა საქმე განსაკუთრებით ღამს. ასე, რომ ხალხი არც მომავალ წელს იქნება უზრუნველ-ყოფილი შიმშილისაგან...

— სიმინდი დღეს 1 მ.—10 კაპ. ფასობს...

— ქურდებთან ბრძოლა ერთადერთი მწვავე კითხვაა თანა. დღეს გურიაში... ამას წინათ ნაგომარში გაცარცვეს აფთიაქი. ამის გამო ჩოხატაურის ბოქაულმა მოსთხოვა ს. ბუქნარს ქურდები. წინააღმდეგ შემთხვევაში უნდა გადახადონ 3000 მანეთი. ამ პირობაზე უკვე მოაწერია ბოქაულმა ხელი სოფლიდან არჩეულ ხუთ კაცს.

საზოგადოთ ქურდობა და ძარცვა-გლეჯა არა თუ მცირდება, პირ-იქით უფრო ვრცელდება. ხალხი ითმენს ერთი მხრით ქურდებიდან მოყენებულ ზარალს და მეორე მხრით მთავრობის მიერ—ეგზეკუციებისა და ჯარიმების სახით...

— საზოგადოების, და განსაკუთრებით მდინარე სუფსის პირათ მცხოვრებთა ყურადღებას ზივაცქევთ ერთ გარემოებას: დ. ნაგომარიდან დაწყებული ვიდრე ჩოხატაურამდე და ხიდისთავამდე ადგილობრივი მცხოვრებლები ბავშვებს ატანენ პირუტყვებს სამძვრათ გზის პირებში და ქალებში. ბავშვები იყრიან თავს აქ ათობით და ოცობით და ვინ იცის რა სისაძაგლეს არ ჩადიან: ავინებენ, და ლანძღავენ ერთი მეორეს და ხშირად

მუშტი-კრივითა და ქვებითა დაერევიან ერთმანეთს. თვითონ ჩვენ გვქონია შემთხვევა არა ერთხელ დავსწრებოდეთ ამ საძაგელ სცენას, სადაც ბავშვები მისეოდენ ერთმანეთს ხეებით ხელში ყვირილითა და ლანძღვა გინებთ. ერთი მეორეს წაესევინა ხშირათ ორი გვარის ბავშვები, რაც მით უფრო აღმაშფოთებელია, რაც ბაღებს მათში შურს და სიმძულვარეს სხვა გვარისადმი ამას ხშირათ მოყვება ხოლმე უბედური შემთხვევა. აუცილებელი საჭიროა, როგორც მშობლებმა ისე სხვებმა მიაქციონ ამას სერიოზული ყურადღება.

აზნერი.

მ უ შ ა თ ა უ მ რ ი ს.

თბილ. ტრამ. დირექტ. ალიბეგოვი და მუშები.

ბ-ნ. ალიბეგოვი, როგორც თვითონ განაცხადა—მე გამგებამ იმიტომ გამომგზავნა, რომ გაგაუქმო თქვენი (მუშების) შეთანხმებანი, რადგან ფრიდმანს არა ჰქონდა უფლება გამგებობისაგან მოგვს თქვენთვის რამე, —არა უფიქვან გამომგზავნილი საქმეების მოსაწყისრიგებლათ, არამედ მუშებთან საბრძოლველათ, და უფლებების წასართმევათ. ბ-ნ. ალიბეგოვმა თავისი სიტყვა საქმით აქცია და რომ უფრო ადვილათ დაერღვია შეთანხმებანი, უზარფელეს ფოფლისა, გააუქმა საამსნაგო კომისიები (თუ რას აკეთებდნენ ეს კომისიები, ამაზე ცალკე), რის შემდეგაც გაესხნა ფართოთ სამაქმედო გზა და უფელდელ არღვევდა შეთანხმებებს. ბ-ნ ალიბეგოვის უფელაზე მეტათ მიაქვს იერაში იმ მუხლებზე, სადაც მოხსენიებულია 8 საათის სამუშაო დრო, ჯამაგირეის მომატება, დათხოვნილ მუშების დაჯილდოება; რაც შეეხება დანარჩენ წვრილმან მუხლებს, ისინი თავისთავათ გაუქმდებიან, თუ კი ეს უმთავრესი მუხლები აღარ იქნება. მაგრამ ბ-ნ. ალიბეგოვის არ ცოდნია, რომ ეს უმთავრესი მუხლები შეთანხმებისა ფრიდმანის დროს კი არ იყო შემუშავებული, არამედ წინანდელ დირექტორებისგან უწერათ ხელი, და თუ ფრიდმანის დროს ცოტა რამ დაემატა, ჩვენ მუშები გვეუბნებოდით, საქმეს კონფლიქტადის ნუ მიიყვანო, გაუმართოთ მოლაპარაკება, განვიხილოთ რომელი მუხლების დარღვევა გინდათ, და თუ თქვენი საბუთები საკმარისათ გვიჩვენებენ, რომ ის არ შეუძლიან აიტანოს წარმოება, ჩვენვე გაგაუქმებთ.

ბ-მა ალიბეგოვმა სიტყვით გამოგვიცხადა თანხმობა, რომ არაფერი სწინააღმდეგო არა ექნება რა საქმის მშვიდობიან გათავების შესახებ. ჩვენ დავიჯერეთ ბ-ნი ალიბეგოვის სიტყვები. ის გვეუბნებოდა, რომ მუხლების შეცვლა თუმცა მაქვს განზრახული, მაგრამ ისე არ შეგეცლი, რომ ერთი თვით დღე მანამ არ შეგატოვინოთ წინ, და ჩვენ გელოდებოდით როდის გამოაქვეყნებდა თავის შეთანხმებებს, რომ გაგვეჩიხა და შევთანხმებულავით. 17 ზრდას გამოაცხადა გამგებობის მიერ მოწერილი წერილი, რითაც გვეუბნებოდა „გამგებობა არა სცნობს განხილვით თქვენ შეთანხმებას“. მუშებმა ამას წერილობითი პასუხი გასცეს და ალიბეგოვს ჰკითხეს: რა იქნა ის შეთანხმება, რომლის განხორციელებას სპირით მიგანდით? ჩვენ

ისევე განვაცხადებდით ლოდინს და ალიბეგოვის უფელაზე უკანონო მოქმედებას კულტურულ საშუალებათ ვაძლევიდით ზასუს; ის იძულებული ხდებოდა უკან დაეხია და ეძებდა სიამოვნებას, რომ მუშები გათიფცაზე გამოეწვია. 30 ივნისს კიდევაც გამოვიდა სახელმწიფო და „ცენტრალნი სტანციის“ მუშების საურადადებოთ შემდეგი განცხადება: „თანხმობა გამგებობის მოწერილობისა, ამიერიდგან გაუქმებულათ განცხადება „შეთანხმებას“ და უფელგვარი ზრეტენიზა ამის გამო უარყოფილი იქნება“. ბ-ნ ალიბეგოვის ასეთმა რეაქციონერმა მოქმედებამ გვაძულა ავეჩიხა წარმომადგენლები მასთან მოსალოაპარაკებლათ, რითაც ერთხელ კიდევ მოვაცინეთ მშვიდობიან მოლაპარაკებოთ გათავებას საქმე. ბ-ნ ალიბეგოვმა უარი განაცხადა. „რის მოლაპარაკება გინდათ ჩემთან, გაიძახოდა ის, ამის ნება არა მაქვს. თუ არ გინდათ იმუშავოთ ამ ზარბებში, თავისუფლები ხართ; თუ გაითიფცებოთ, ესეც თქვენი ნებაა“.

მუშ. წარმომად. მიმართეს უმთრესს საფაბრიკო ინსპექტორს და ქალაქის თავს თხოვნით მოლაპარაკებათ მათ ალიბეგოვთან, რომ მან საქმე არ გაამწვავოს. ზემოხსენებულმა ზარბებმა, როდესაც დაწვრილებით გაიკეს, თუ რაში იყო საქმე, ურჩიეს ალიბეგოვს მშვიდობიან მოლაპარაკებოთ დაებოლაფებია საქმე; უკიდურეს შემთხვევაში ზასუსის მტებელი თქვენ, ალიბეგოვი, იქნებით და არა მუშებიო. ალიბეგოვმა ჩვეულებრივით სიტყვებით მოგვცა იმედი, რომ თანხმობა გაიმართოს მოლაპარაკება, რის შემდეგ 11 და 12 ივლისს უფრესს საფაბრიკო ინსპექტორის თაყვანდამარებოთ მოხდა ორი კრება. ამ კრებებზე სათითაოთ იქმნა განხილული თვითუფლი მუხლი შეთანხმებისა. მუშ. წარმომადგ., როგორც უწინ, ახლაც წამოაყენეს სამი კითხვა 1) ძალაში დარჩეს 8 საათის სამუშაო დღე; 2) არაფინ იქნას დათხოვნილი უმიზნოთ; 3) არაფის დაეკლოს არსებულ ხელფასიდან. თუ ამ სამ პუნქტში შეთანხმდებით—ამობდნენ ისინი—და ალიბეგოვი მოგვეცემს ამასი წერილობით გარანტიას სამი წლის ვადით, და ნარჩენ მუხლებში დათმობა შეგვიძლიან, თუ არა და ღამა-რაკი სულ უბრალთ დროის დაკვარვასო. ბ-ნ. ალიბეგოვი დაგვთანხმდა, კარდა 8 საათის სამუშაოსი, რომელიც უნდა შეგატოვინოთ გამგებობას და რადგანაც მისი 30 ივნისის განცხადება ძალაში შედიოდა 14 ივლისს, ითხოვა დრო, ასე რომ დაგვთანხმდა შემოსხენებული განცხადება ჩაითვალოს 20 ივლისიდან გამოცხადებულათ და არა 30 ივნისიდან. მეორე დღეს უარი განაცხადა და თუმცა გადასდო განცხადება, შენიშვნა გაუკეთა, „ხელფასის მომატების შესახებ ძალაში რჩება 30 ივნისის განცხადება“ და თანაც დაუმატა „მე მოგინა ჩვენ არაფრის გულისათვის არ შევთანხმდებითო.“ აქედანვე სჩანს, რომ ბ-ნ ალიბეგოვს სურს გამოიწვიოს მუშები ბრძოლის ველზე, რომ აღმინისტრაცია ჩაერიოს საქმეში და უოკელისფერი თავის სასარკებლოთ გამოიყენოს, და თუ გაუბრის მოლაპარაკებას, ეს იმიტომ, რომ სიმართლე არ გამოიჩვენეს, როგორც ეს მოხდა 11 და 12 ივლისის კრებებზე, სადაც ბ-ნ ალიბეგოვს საფაბრიკო ინსპექტორები ურჩევდნენ, რომ მუშების წინადადება და საშუალებები წარმოების გასაუმჯობესებლათ მისაღებია და თქვენი საბუთები და საშუალებები კი სულ უმნიშვნელოა და არა სასურველია, და რომ

სიმაღლე გამოაშფაფებს იმ მიზეზებს, თუ ვინაა დანაშაულებრივი უწყისობისა. ამას გაუგებობა ბ-ნი აღიბეგოვი, მაგრამ როდემდის? ბ-ნი აღიბეგოვი მოქმედებით სცდილობს ჩაგვყენოს მუშები იმნაირ პირობებში, რომ სუნთქვაც კი არ შეგვეძლოს და გააძეფოს ის ძველი რეჟიმი, რომელიც განიცადა მუშათა კლასმა 10—15 წლების წინათ. დაე საზოგადოებამ დასდოს მსჯავრი ბ-ნი აღიბეგოვის და მუშების მოქმედებას.

ტრამვაიელი.

ხალხისადმი გულუხემატკივრობა თუ კუხის საკითხი?

(პასუხი ბ. სოფლის მასწავლებელს—იმერელს.)

ყველასათვის ცხადი უნდა იყოს ის, თუ რა ლანძღვა-გინების და ცილისწამების ბუდე არის, დღეს-დღეობით მაინც, გადაქცეული ზოგიერთი ჩვენი გაზეთები. რა მარგალიტები არ გნებავთ აქ არ იხილოთ! რა ჯურის მწერლებს არ შეხედებით აქ! დიდს და პატარას, ვისაც კი ქართული ანბანის წერა შეუძლია, ყველას მწერლობისათვის მიუყვია ხელი და აცხობენ უშველებელ წერილებს. მე თქვენ გეტყვით მასალის ძებნასა და შემუშავებაზე არ იტყვონ თავი!.. დღეს ხომ საგინებელ და სალანძღავ მასალას ს.-დ. წარმოადგენს; აი ეს ვაებატონებიც ამას მისდგომიან და რასაც კი ბაიგონებენ მის შესახებ სოფლის მექანიკანე დედაკაცებისა ან რასაც მათი ფანტაზია შექმნის, ყველაფერს ბეჭდვენ გაზეთში; ეს ვაებატონები დარწმუნებული არიან, რომ პასუხს ვერაფერ აგებინებს, თუ მოსთხოვთ ფაქტების დამტკიცება, მას პასუხი მზათ აქვს: „პარტიამ ბამომიწვიოს და დაუმტკიცებო“. იცის, პარტიას მათთვის არც სცალია და ეს მოუხერხებელიცაა მისთვის. მაშასადამე ასეთი წერილებისთვის ისინი პასუხს არ აგებენ, არაფერს არ კარგავენ, სარგებლობა კი ორნაირია, და აი როგორი: ყველას კარგათ მოეხსენება ის, რომ ესაფერათ დიდი უმეტესობა თბილისში აღვილებზე არიან წამოსკუბულნი. მათი ყურადღების დამსახურება სხვა რიგ როგორ შეიძლება, თუ არა იმ ს.-დ. ლანძღვა-გინებით და ცილის წამებით, რომლის სახელის გამოგებაც კი მათ ტანში აერეოლან. ასეთი წერილის საშუალებით ის ჯერ ერთი იმსახურებს ამ „ბომბოლათა“ ყურადღებას და მეორე—ხდება მწერალი. ჩემის აზრით სწორეთ ეს უნდა იყოს უმთავრესი მიზეზი ამოდენა ახალ-ჯურის მწერლების გამოფენის და არა სხვა რამ.

ერთი ასეთ ხალხისთვის გულშემატკივარი და თავდებულ მწერალთაგანი გახლავთ ბ. „სოფლის მასწავლებელი—იმერელი“, რომელსაც ვეება წერილი აქვს მოთავსებული „ნიშნულში“ № 41. როდესაც მოსთხოვს ფაქტების დამტკიცება, მას განუცხადებია: „პარტიამ ბამომიწვიოს და მას დაუმტკიცებო“. რას ნიშნავს, ბ. მასწავლებლო მეთოდე, ასეთი პასუხი თუ არა იმას, რომ მე არ შემიძლია ამ ფაქტების დამტკიცება, როგორც ს.-დ. მიერ ჩადენილის და რადგანაც არ მსურს ჩემი ნამდვილი ფიზიონომია დავანახო ხალხს, ამისთვის ხრიკს ვხმარობ და ვიწვევ პარტიას სამართალში, —ვიცი რა წინადაწინე, ის ამაზე არ დამეთანხმებაო? თუ ეს ასე არ არის, ბ. „მასწავლებლო“ მეთოდე, და თქვენი „მეთოდის“ საშუალებით არ გასურთ დაიმსახუროთ „ბომბოლათა“ ყურადღება შგმდევრისათვის, თუ მართლა ხალხის ინტერესები ბალაპარაკებთ ამას და არა კუჭის საკითხი, რატომ არ გასურთ ბაყვეთ იმ პირებს და ორბანიზაციებს სამედიკატორო სამართალში, ვისაც ბრალსა სდებთ? რატომ არ გასურთ დამტკიცოთ თქვენი ნათქვამი და მით ხალხს, იმ ხალხს, რომლისთვისაც თქვენ ამდენი გიშრო-

მიათ, (სხვა რომ არა იყოს რა ამ წერილის წერით და ფაქტების შეკრებით) და ბული შეგტკივთ, (?) დაუმტკიცოთ თუ ვისთან ღონია მას საქმე? დანახოთ ნათლათ თუ ვინ ყოფილან ეს ს.-დ. რომ შემდეგში მაინც არ იმეცოდოს ხალხმა მათი გავლენის ქვეშ. თქვენი რომორც სიმაღლის მოყვარული (?), უნდა ცდილობდეთ ნათლათ ჰყოთ ყოველივე თქვენი ნათქვამი. თქვენ კი, თქვენი ქვეითი, ძალაუნებურათ გვაგონებთ ერთ ანდაზას, სახელდობრ „ფიცო გვწამს და ბოლო გვაკვირვებსო“. გველაპარაკებით ერთს და, როდესაც დამტკიცებაზე მივარდება საქმე, იმერულ ხრიკების საშუალებით უარს ამბობთ... ვათავებ რა ამ წერილს, საყოველთაოთ ვალიარებ, რომ არც ერთი თქვენ მიერ წამოყენებული ბრალდება სოც.-დემ. მიერ ჩადენილი არ არის. ყველა ეს მხოლოდ ჭორი და საზოგადოებრივი წამებაა, რასაც თუ ისურვებთ დამიბტკიცებთ სამედიკატორო სამართლის საშუალებით. დაუკვირდით თქვენ თვითონ კარგათ თუ ვისი ჩადენილია თითოეული ბრალდება და შემდეგ თქვენ თქვენ შეეკითხეთ: იყვენ ისინი სოც.-დემ. და აგებენ მათ ქცევაში პასუხს თუ არა?

ყოველკვირეული საპოლიტიკო, სამეცნიერო და სალიტერატურო გაზეთი

ჩვენის კვალნი

გაზეთის ფასი:

თბილისისა და თბილის გარეთ	7 მ. — კ.
ნახევარ წლით —	3 მ. — კ.
სამი თვით —	1 მ. 60 კ.
საზღვარ გარეთ ერთი წლით	7 მ. — კ.
ნახევარ წლით —	4 მ. — კ.
სამი თვით —	2 მ. — კ.

ცალკე ნომერი ყოველგან ორი შაური.

ხელის მოწერა შეიძლება: თბილისში, წიგნის მაღაზია „სორაპანი“ მადათოვის კენძული. ფოსტით ფუფი და წერილები უნდა გამოიგზავნოს ამ ადრესით:

Тифлисть книжный магазинъ „Сорапанъ“ (Мада-
островъ) Рахиль Каландадзе.

ხელმოწერა წერილები არ დაიბეჭდება. დაუბეჭდავ მწერ წერილებს და კორესპონდენტებს რედაქცია დიდხანს არ ინახავს, ინახება ერთი თვით მხოლოდ მოთხოვნები და დიდი წერილები.

მოლაპარაკება რედაქციასთან შეიძლება ყოველ დღე კვირა-უქმეებს გარდა დილის 11-დან ნაშუადღევს 2 საათამდე.

რედაქცია იმყოფება ვანქის ქუჩაზე № 12, ზემო ხართულში

რედაქტორ-გამომცემელი ანთ. გიორგობიანი.